



Халқ сўзи

2025 йил — АТРОФ-МУҲИТНИ АСРАШ ВА «ЯШИЛ» ИҚТИСОДИЁТ ЙИЛИ

1991 йил 1 январдан чиқа бошлаган

WWW.XS.UZ

E-mail: Info@xs.uz

2025 йил 16 май, № 99 (8994)

Жума

Сайтимизга ўтиш учун QR-кодни телефонингиз орқали сканер қилинг.



КЕНГ ҚАМРОВЛИ СТРАТЕГИК ШЕРИКЛИК МУНОСАБАТЛАРИ ЯНАДА МУСТАҲКАМЛАНАДИ

Ўзбекистон Республикаси Президенти Шавкат Мирзиёев
Туркия Республикаси вице-президенти Жавдат Йилмаз
бошчилигидаги делегацияни қабул қилди.



Учрашув аввалида юксак мартабали муносабатларини, энг аввало, савдо-иқтисодий ва инвестициявий соҳаларда янада кенгайтириш ва мустаҳкамлаш масалалари кўриб чиқилди.

Ўзбекистон билан Туркия ўртасидаги кенг қамровли стратегик шериклик муносабатларини, энг аввало, савдо-иқтисодий ва инвестициявий соҳаларда янада кенгайтириш ва мустаҳкамлаш масалалари кўриб чиқилди.

Турли даражаларда фаол мулоқот ва алмашинувлар давом этаётгани катта мамнуният билан қайд этилди. Ўзаро савдо ва инвестициялар ҳажми,

қўшма корхоналар сони, авиақатновлар кўпаймоқда.

Тошкент шаҳрида ўтган Ҳукуматлараро комиссиянинг навбатдаги ййилиши, бизнес мулоқоти ва кўргазманинг самарали натижалари юксак баҳоланди.

Товар айирбошлашни, шу жумладан, Имтиёзли савдо тўғрисидаги битим доирасида товарлар номенклатурасини кенгайтириш орқали янада кўпайтириш бўйича ўзаро мувофиқлашган чоралар кўриш муҳим экани таъкидланди.

Инновациялар, энергетика, саноат,

фармацевтика, тўқимачилик, туризм, таълим ва бошқа соҳаларда қўшма лойиҳаларни илгари суриш, кооперация лойиҳаларининг янги портфели ва маданий-гуманитар алмашинувлар дастурини шакллантириш зарурлиги таъкидланди.

Олий даражадаги Стратегик ҳамкорлик кенгашининг навбатдаги ййилиши кун тартибини тайёрлашга алоҳида эътибор қаратилди.

Ў.А.

Ўзбекистон Республикаси Президенти
Матбуот хизмати сурати.

ҲАР ҚАНДАЙ МАМЛАКАТ ТАРАҚҚИЁТИ СОҒЛОМ ВА БИЛИМЛИ АВЛОДГА БОҒЛИҚ

Президент Шавкат Мирзиёев раислигида 15 май кuni мактаб таълими тизимидаги ислохотлар самарадорлигини янада ошириш бўйича устувор вазибалар муҳокамаси юзасидан видеоселектор ййгилиши ўтказилди.

— Дунёда исбот талаб қилмайдиган бир ҳақиқат бор: ҳар қандай мамлакат тараққиёти соғлом ва билимли авлодга боғлиқ, — деди Президент сўзининг бошида. — Шу боис Янги Ўзбекистонни барпо этиш йўлида соғлом, билимли, теран фикрли, ватанпарвар ёшларни тарбиялаш учун барча шароитларни яратишимиз шарт ва зарур.

Ижтимоий соҳалардаги барча саъй-ҳаракатлар ана шу мақсадларга қаратилган. Охириги 7 йилда мактабгача ва мактаб таълими учун маблағ 7 карра оширилган. Бу йил 60 триллион сўм ажратилган. Мактабларда 1 миллионга яқин, боғчаларда 1,5 миллион янги ўрин яратилди.

Малака, тил билиши, янги баҳолаш тизими, фан олимпиадалари каби мезонлар асосида ўқитувчиларга 10 дан ортик устамалар жорий қилинди. Бундан самарали фойдаланган 60 минг ўқитувчи ҳозирда 8 — 12 миллион сўм маош оляпти.

Боғча тарбиячилари ойлиги 65 фоизга ошиб, мактаб ўқитувчилари маошига тенглашди. Янги ўқув йилидан мактаб директорлари, ўринбосарлари ва боғча мудирларининг иш ҳақи 7 — 10 миллион сўмдан ошди.

Таълим дастурлари энг илғор мамлакатлар тажриба-

сига мослаштирилмоқда, дарсликлар янгиланяпти, мактабларга замонавий жиҳозлар олиб берилляпти. Энди муаллимлар янги методикаларни ўзлаштириб, болаларга яхши билим бериши керак. Бунинг учун педагогика йўналишидаги олий таълим сифатини ошириш зарур.

Ёшларни касб-хунарга ўргатиш, тўғри тарбиялаш, зарарли таъсирлардан асраш ҳам долзарб масалалардан.

Ййилишда соҳадаги ҳар бир йўналишга атрафли таҳлил қилиниб, устувор вазибалар белгиланди. Мактаб таълимини янги бошқича кўтаридиган ташаббуслар илгари сурилди.

Аввало, педагогларни тайёрлаш ва малакасини ошириш тизимига эътибор қаратилди. Бу борада Абдулла Авлоний номидаги педагогик маҳорат миллий институти ва унинг 13 та ҳудудий маркази қайта ташкил этилди. Низомий номидаги олийгоҳ Миллий педагогика университетига айлантирилиб, унинг ректори бир вақтинг ўзида мактабгача ва мактаб таълими вазирининг ўринбосари бўлди. Педагогик маҳорат ва халқро баҳолаш маркази ташкил қилинди.

Бу имкониятлар асосида барча педагогика олийгоҳлари фаолияти тубдан

ўзгартирилади. Масалан, Термиз педагогика институти мисолида айтганда, ҳозирги факультетлар ўрнида аниқ, табиий, ижтимоий, филология, амалий фанлар, мактабгача ва бошлангич таълим бўйича 6 та олий мактаб ташкил қилинади.

Фанлар сони макбуллаштирилиб 20 тадан 15 гага, таълим йўналишлари 31 тадан 17 гага туширилади, ўқув юкласи 20 фоизга қисқаради. Яқин ҳудуддаги мактаблар унинг амалиёт базасига айлантирилади.

Институтининг хорижий тил сертификатига эга 20 нафар ўқитувчиси шу йил Буюк Британия, Германия ва Сингапур каби давлатларга малака оширишга юборилди. Келгуси уч йилда барча профессор-ўқитувчилар чет элда ўқитилади. “ТОП — 100” талик университетларда малака ошириш ва таълим хизматларини олиш тўғридан-тўғри шартнома асосида бўлади.

Худудлардаги малака ошириш марказлари фаолияти ҳам кенгайтирилади. Улардаги профессор-ўқитувчилар АҚШ, Буюк Британия, Сингапур, Германиянинг илғор дастурлари асосида қайта тайёрланади.

Шу билан бирга, ўрта таълимдаги 17 та фаннинг ҳар бири бўйича алоҳида таянч мактаблари ташкил этилади.

Таянч мактаби ўқитувчиси Малака ошириш марказига келиб, ўз йўналишидаги ҳар қандай факультетлар асосида чукор тайёрланади, уларга тренер мақоми берилади. Сўнгра бу тренерлар ўзига бириктирилган ҳудудда 25 нафар етакчи ўқитувчини ўқитади. Етакчи ўқитувчилар эса ўз мактабидаги бошқа муаллимларнинг малакасини ошириб боради.

Бундан ташқари, университет, марказ ва мактаблардан муаллимлар хорижга малака оширишга юборилади.

Бугунги кунда хусусий олийгоҳларга кенг йўл очилган. Лекин уларда педагогика йўналишидаги талабаларнинг 70 фоизи мактабгача таълим, бошлангич таълим ва филология бўйича таҳсил оляпти. Бирортасида кимё, биология ва физика бўйича муаллим тайёрланмади. Ваҳоланки, мактабларимизда аниқ ва табиий фанлар бўйича ўқитувчилар етишмайди.

Шу боис бундан буён хусусий олийгоҳлардаги педагогик йўналишлар давлат институтларида мувофиқлаштирилади. Улардаги педагоглар ва талабалар билими ташқи диагностикадан ўтказилади. Бу орқали нодавлат олийгоҳларда педагоглар тайёрлаш сифати назоратга олинади.



МУСТАҚИЛЛИГИМИЗ ҲИМОЯСИ ЙЎЛИДА ЖОН ФИДО ЭТГАН ҚАҲРАМОНЛАР ХОТИРАСИ ҚАЛБЛАРИМИЗДА ДОИМО ЯШАЙДИ

Ўзбекистон Республикаси Президенти Шавкат Мирзиёевнинг 9 май — Хотира ва қадрлаш кuni муносабати билан Галаба боғида жамоатчилик вакиллари билан учрашувда билдирган фикрлари

Ассалому алайкум, қадрли юртдошлар, муҳтарам фахрийлар, азиз ёшлар! Аввало, барчангизни 9 май — Хотира ва қадрлаш кuni ҳамда Иккинчи жаҳон урушида эришилган буюк галабанинг 80 йиллиги билан чин қалбимдан самимий муборакбод этаман.

Халқимизнинг “Меҳр — кўзда”, деган иборасида чуқур маъно бор. Мен сизларнинг кўпчилигингизни яхши танийман, ғойибона кузатиб бораман. Бугун сизлар билан мана шундай улуг айём кунларда дийдор кўришиб турганимдан гоят хурсандман.

Бизнинг энг катта бойлигимиз — бутинч ва осойишта ҳаётимиз, Ватанимиз мустақиллиги, халқимизнинг омонлигидир. Бугунги кунда барча ҳаракат ва ислохотларимиз, ҳамма эзгу ниятларимиз бир улуг мақсадга — давлатимиз истиклоли, эл-юртимизнинг тинчлиги ва осойишталигини мустаҳкамлашга қаратилган. Энг катта мақсад-муддаомиз — меҳнаткаш, мард ва олийжаноб халқимизни рози қилишдан иборат.

Хозирги вақтда, ўзингиз телевизорда кўряпсиз, шу йўлда бутун мамлакатимиз — бу Сурхондарё, Хоразм ёки Қорақалпоғистонда бўладими, Бухоро, Навоий ёки Самарқанда бўладими, Жиззах, Сирдарё ёки Тошкентда, Андижон, Наманган ёки Фарғонада бўладими, ҳатто энг олис туман ва қишлоқларимизда ҳам барча-барча юртдошларимиз бунёдкор меҳнат билан банд. Илоҳим, мана шундай тинч ва осойишта ҳаётимизга кўз тегмасин!

Бугунги кунда дунё микёсида вазият қандай таҳликали бўлиб бораётганини ҳаммамиз кўриб-билиб турибмиз. Факат иқтисодиётда эмас, барча-барча соҳаларда мавжуд таҳдид ва хавф-хатарларни ҳисобга олиб, йўлимизни аниқ белгилаб, қанчалик қийин бўлмасин, фақат ва фақат олдинга қараб боришни давринг ўзи талаб қилмоқда. Энг муҳим ва асосий масала — Ватанимиз мустақиллигини мустаҳкамлаб, одамларимизни ҳимоя қилишга, реал ҳимоя қилишга бор куч ва имкониятларини сафарбар этишимиз, танлаган йўлимиз тўғри эканини аниқ натижа ва ютуқлар асосида исботлашимиз керак.

Ҳеч шубҳасиз, бу йўлда мард ва матонатли халқимизнинг Иккинчи жаҳон уруши йилларида кўрсатган мислсиз жасорати, буюк галабани яқинлаштиришга қўшган бекиёс ҳиссаси биз учун доимо куч-ғайрат ва фахр-ифтихор манбаи бўлиб хизмат қилади.

Албатта, ҳаммагизнинг хабарингиз бор, жаҳон тарихидаги энг даҳшатли ана шу қиргин даврида Ўзбекистонда яшаган 6 миллион 800 минг аҳолидан қарийб 2 миллион нафари фронтга сафарбар этилган. Шундан 600 минг киши жанг майдонларида ҳалок бўлган, 200 минг нафар юртдошимиз бедарак кетган, яна 100 минг одамнинг дарағи ҳали ҳам топилган йўқ, биз уларни излашда давом этаймиз.

Ана шу 2 миллионга яқин жасур ота-болаларимизнинг галабига қўшган ҳиссаси жуда катта бўлиб, буни ҳеч нарса билан ўлчаб, қиёслаб бўлмайди. Улардан 214 минг нафари — эътибор беринг, 214 минг нафари — урушда кўрсатган улкан жасорати учун жангвор орден ва медалларга, 301 нафари Совет Иттифоқи Қаҳрамони унвонига сазовор бўлган, 70 нафар юртдошимиз учала даражадаги “Слава” ордени билан тақдирланган ҳам бу фикрни тасдиқлайди. Мана шу ҳақиқатий ёшларимизга, ўз оиламиз, маҳалламиз ва жамоамизга ҳар кун айтишимиз, тушунтириб боришимиз керак. Чўнки жанг майдонларида ёвуз душманга қарши кечаю кундуз мардона олишган қаҳрамон аждодларимизни қанча кўп улугласак, бугунги озод ва фаровон ҳаётимизни шунча кўп қадрлаган бўламиз.

Биз мана шу Галаба боғини бежиз барпо этганимиз йўқ. Бу улугвор мажмуа — халқимизнинг фашизм устидан қозонилган галабига қўшган ҳиссасини яққол кўрсатиб турадиган кўтулғ маскан, улуг зиёратгоҳдир. Айни вақтда бу фарзандларимизга аждодларимиз жасоратидан сабоқ берадиган ўзига хос тарбия ўчоғи, десак, тўғри бўлади. Энг муҳими, ушбу боғ халқимизнинг Ватан ҳимояси йўлидаги қаҳрамонлик анъаналари баржаёт экани, уларни ҳар бир авлод шараф билан давом эттириши зарурлигини барчамизга эслатиб, таъкидлаб туради.

Бундай боғ эл-юртимизнинг орузси эди. Мана, одамлар бу табаррук масканга қандай интилишини кўрсатадиган бир мисол — ўтган қисқа даврда бу ерга 3 миллиондан зиёд киши келиб, зиёрат қилиб кетган. Уларнинг орасида кексаю ёшлар, вилоятлардан, узоқ-узоқ қишлоқлардан, маҳаллалардан келган одамлар, чет элликлар бор. Улар ушбу мажмуадаги “Шон-шараф” музейи ва бошқа ёдгорликларда ўзининг бобоси, отаси, бувиси ёки қариндошларига оид ҳужжатлар, расм ва лавҳаларни кўриб, хурсанд бўлиб, катта таассурот ва ғурур билан кетяпти. Бир сўз билан айтганда, бу боғнинг келгусида эзгу мақсадларга хизмат қилишни инобатга олиб, уни ҳам тарихий, ҳам замонавий талаблар асосида мана шундай пухта барпо этганимиз ҳар томонлама тўғри бўлганини бугун ҳаётнинг ўзи исботламोқда.

Галаба боғи — бу ҳамиша барҳаёт қаҳрамонларимиз тисмоли, ўзлигимиз ифодаси, қандай сабот-матонатли халқ эканимизнинг ёрқин амалий тасдиғидир.

Энг асосийси, биз бу мажмуани ҳам шаклан, ҳам мазмунан бойитиб, кенгайтириб бораёلمиз. Эл-юртимиз, хорижий мамлакатлардаги дўстларимиз, ҳамкорларимиз бу борада катта ёрдам берапти. Шу тариқа халқимизнинг Иккинчи жаҳон уруши ва мустақиллик давридаги қаҳрамонлиги чуқур ўрганилиб, янги-янги материаллар, ҳужжатлар топилиб, эълон қилиб борилюмоқда.

Ана шу ишларнинг давоми сифатида боғ ҳудудида **“Хотира нури” қом-позицияси** барпо этилди. Кўриб турганингиздек, парвоз қилаётган бир жуфт қуш шаклидаги бу монументал асар Иккинчи жаҳон уруши жанггоҳларида жон олиб-жон берган ота-болаларимиз ҳамда фронт ортида меҳнат қилган ватандошларимизнинг тенгсиз жасоратини мадҳ этади. У авлодлар ўртасидаги ворисийлик анъаналарини намоён этиши билан ҳам гоят аҳамиятлидир.

Ҳеч шубҳасиз, мустақиллик йилларида Ватанимиз сарҳадларини дахлсиз сақлаш, бугунги тинч ва осойишта ҳаётни ҳимоя қилиш йўлида мардларча ҳалок бўлган ҳарбий хизматчилар ва ҳукукни муҳофаза қилиш органларининг ходимлари ҳам бизнинг қаҳрамонларимиз. Улар биз учун ҳаммаша барҳаётдир. Халқимиз, айниқса, ёшларимиз мустақил Ўзбекистоннинг ҳам ана шундай қаҳрамонлари борлигини билиши ва уларни ҳеч қачон унутмаслиги зарур.

Мен 2023 йил март ойида Сурхондарёда сизларнинг кўпчилигингиз — ана шундай марҳум аскар ва офицерларимизнинг оила аъзолари, яқинлари билан учрашганман, фикр ва тақлифларингизни эшитганман. Мана шу қаҳрамонларимиз хотирасига ҳам ёдгорлик ўрнатасан, деган оруз, керак бўлса, армон мени доим йўлатиб туриб келарди. Бу нафақат меннинг, балки ана шундай ботир ва довурак ана юрт посбонларини тарбиялаган сиздек ота-оналарнинг, қолаверса, қаҳрамонларимизнинг аёллари ва фарзандларининг, бутун халқимизнинг орузси эди, десак, албатта хато бўлмайди.

Халқимизнинг ана шу баҳодир ўғлонларимизга бўлган ҳурмат-эҳтиромини тасйирчан бир шаклда акс эттириш, ҳаётдан эрта кетган бу навқирон фидоий инсонларнинг Ватанимизга бўлган меҳри, садоқати ва жасоратини ана шу ёдгорликда кўрсатиш ҳақида ўз фикрларимни айтиб, архитектор ва ҳайкалтарошлар, тарихчи олимлар, ижодкор зиёлилар билан жуда кўп мулоқот қилганман.

Ана шундай интилишларимиз натижаси сифатида бугун Галаба боғида янги бир ёдгорлик — **“Миллат фидоийлари”** монументи барпо этилганини барчамиз кўриб турибмиз.

Албатта, ушбу монументда номлари зарҳал ҳарфлар билан муҳрлаб қўйилган 196 нафар марҳум ҳарбий хизматчи ва ҳукукни муҳофаза қилиш органлари ходимларининг ҳар бири, Иккинчи жаҳон уруш қатнашчилари каби, ҳаётнинг кўп-кўп неъматларидан баҳраманд бўлишга улгурмаган. Бу шер-юркак ўғлонларимизнинг ҳам келажақ орузлари бор эди, уларни олдинда яхши ва ёруғ кунлар, ота-онаси, оиласи, шириндан-ширин фарзандлари кутаётган эди. Лекин мамлакатимиз истиклоли, халқимиз тинчлигига нисбатан реал хавф тузилган пайтда, улар бир дақиқа ҳам ўйлаб ўтирмасдан,

жонажон Ватанимиз ҳимояси йўлида ўзларини қалқон қилишди. Бу фидоий ҳарбийлар шу тариқа бугунги Янги Ўзбекистон учун мустақкам замин яратиб кетишди. Шу боис биз уларнинг хотираси, руҳи поклари олдида доимо қарздоримиз.

Мен шу ҳақда кўп ўйлайман. Нафақат ўйлайман, жойларда бўлганимда вилоят ва туман ҳокимлари, нуронийларимиз, маҳаллалар ва жамоатчилигимиз вакиллари қаҳрамон жангчиларнинг оилалари ҳақида доимо ғамхўрлик қилишга, уларнинг жасоратини кўпроқ тарғиб этишга қақриб келаман.

Мана, бугунги маросимда ҳурматли оқсоқолларимиз, нуронийлар, кўпни кўрган акаларимиз, ўз ҳаёти давомида доимо кўпчиликка намуна бўлиб келаётган олийжаноб инсонлар катнашмоқда. Улар тинч ва ёруғ кунларнинг қадрини, бугунги нури, файзли ҳаёт ниманинг ҳисобидан келганини бошқалардан қўра яхши тушунишади.

Албатта, **“Миллат фидоийлари”** хотира ёдгорлигини имкон қадар кўпроқ одам келиб қўришга интилади. Лекин биз бундай интилиш ва ҳаракатларни ташкилий нуқтаи назардан аниқ йўналишга солишимиз зарур.

Яна бир бор айтаман, бу масканда номлари қайд этилган баҳодирларимизнинг жасорати, номлари ва хотираси эл-юртимиз қалбидан ҳеч қачон ўчмайди.

Сиз, азизлар бу мажмуага биринчи бўлиб ташриф буюрган инсонларсиз. Сизлардан илтимосим шукки, бу ҳақиқатни барчага етказишимиз керак. Бу ерни доимий обод қилиб, довурак фарзандларимиз руҳларини шод этиш — бизнинг муқаддас вазифамиз.

Бугунги замонавий ахборот технологиялари ютуқлари асосида бу ерда катта ишларни амалга оширдик. Айниқса, сунъий интеллект ёрдамида марҳум жангчи ўғлонларимиз бамисоли тирик инсондек гапирарди. Бунга кўриб, уларнинг овозини эшитиб, фарзандлари, аёллари, набиралари эртага қўншини, дўсти ёки танишига бориб, бизнинг отамиз, бобомиз ҳеч қачон ўлмаган, ҳаммаша тирик, деб айта олади.

Ушбу ёдгорликнинг бекиёс аҳамияти ҳақида гапирганда, мен бир фикр-ни алоҳида таъкидлаб ўтмоқчиман. Маълумки, биз Янги Ўзбекистонни барпо этиш бўйича кенг кўламли ислохотларни бошлаган биринчи кунларданок **халқимизни рози қилиш, “Инсон қадрини ўзини”** деган эзгу ғояни амалга оширишни ўзимиз учун бош мақсад этиб белгилдик.

Инсон қадрини эъзозлаган давлат ҳеч қачон кам бўлмайди. Мен мана шу боққа, мана шу ёдгорлиқни томоша қилишга келган киши Ватан мустақиллиги учун курашган, жон фидо этган одам асло эл-юртнинг назаридан четда қолмаслигини, келгуси авлодлар уларни эсидан чиқармаслигини чин юракдан ҳис этишини истар эдим. Ана шундагина халқ ҳаётида фидоийлик ва қаҳрамонлик анъаналари бардавом бўлади. Ана шундагина инсон қадрини ва ҳаёти нақадар буюк бойлик экани яққол аён бўлади.

Ҳаёт бор экан, бутун ҷамиятда албатта ҳар жабҳада кураш кетади. Хозирги кунда биз ҳам гўзал, файзли ва фаровон ҳаёт учун, тинчлик учун курашяпмиз. Бу кураш ҳар кунги, ҳар дақиқада давом этмоқда.

Бу мажмуада номлари йитилган ҳарбийларимиз мустақиллик йилларида Сарисийёда, Тошкент вилоятида, Андижонда содир этилган муҳдиш террорчилик ҳаракатларига қарши курашда қандай жасорат кўрсатганини кўпчилик яхши билади.

Фурсатдан фойдаланмай, ўша суронли йилларда терроризм ва экстремизмга қарши курашда қаҳрамонларча ҳалок бўлган ўғлонларимизнинг бугунги тадбиримизда иштирок этаётган ота-оналари, аёллари ва фарзандларига, қариндошларига халқимиз номидан, ўз номидан яна бир бор чуқур миннатдорлик билдираман.

Такрор айтаман: Ватанимиз ва халқимиз сизларнинг фарзандларингиз, турмуш ўртоқларингиз, оталарингиз, жигарларингиз хотирасини ҳеч қачон унутмайди. Сизларнинг фарзандларингиз, турмуш ўртоқларингиз ҳақиқий қаҳрамон бўлган, сизларнинг оталарингиз ҳақиқий қаҳрамон бўлган.



МУСТАҚИЛЛИГИМИЗ ҲИМОЯСИ ЙЎЛИДА ЖОН ФИДО ЭТГАН ҚАҲРАМОНЛАР ХОТИРАСИ ҚАЛЪЛАРИМИЗДА ДОИМО ЯШАЙДИ

Ўзбекистон Республикаси Президенти Шавкат Мирзиёевнинг 9 май — Хотира ва қадрлаш куни муносабати билан Галаба боғида жамоатчилик вакиллари билан учрашувда билдирган фикрлари



Хозирги вақтда ана шу фидойи инсонларнинг фарзандлари жасур отларининг ҳаётини давом эттирмоқда. Уларнинг ўқиб, замонавий касб-ҳунарларни эгаллаб, келажақда эл-юртимиз учун оталари каби садоқат билан хизмат қиладиган инсонлар бўлиб етишишлари учун зарур шароитларни яратиб бераймиз. Мен улар бу ҳаётнинг қадрига бошқаларга нисбатан кўпроқ етиб, барчага намуна бўлишини истайман. Азиз болаларим, сизлар бунга албатта қодирсиз!

Ҳеч қачон унутманг, кўшнларингиз, маҳалладошларингиз **“Булар — қаҳрамон оила фарзандлари”** деб сизларга алоҳида ҳурмат ва эътибор билан қарашади.

Бу — инсон учун катта бахт ва шараф, айни пайтда улкан масъулият ҳам, десақ, адашмаган бўламиз.

Сизлар шунга доимо муносиб бўласиз, деб ишонаман.

Ҳурматли шоир ва адибларимиз, журналистларимиз ана шундай оилалар ҳақида, уларнинг қаҳрамон оталари ҳақида янги асарлар, китоблар ёзадилар, деб умид қиламан. Мана шундай оилаларнинг аёллари, фарзандларини бошқаларга намуна қилиб кўрсатсак, бу ҳам албатта миллий ўзлигимизни англашга, гуруримиз ва

маънавиятимизни кучайтиришга, халқимизни янада бирлаштиришга хизмат қилади.

Буям тарбия, буям тарих, буям ибрат бўлади. Айни пайтда бу ана шу оилалар тўғрисида яна бир маънавий ғамхўрлик ва эътибор, уларнинг фарзандларига яхшилик қилиш, умр йўлдошларига шукроналик, сабр тилаш билан баробардир.

Ўзингиз кўряпсиз, “тўқликка шўхлик” деганларидек, ҳозирги замонда бизга ярашмайдиган ишлар ҳам, афсуски, кўп бўляпти. Буни ҳам унутмаслигимиз шарт. Бугунги эркин ҳаёт бераётган имкониятларни ҳамма ҳам тўғри қабул қилмапти. Буям айни ҳақиқат.

Эркинлик ва озодликнинг, тинчликнинг қадрига етиш — бу осон эмас. Бу — ўта оғир ва машаққатли иш. Бунинг учун ҳам илм, тарбия, маданият ва ирода керак. Шу боис мен **“биз ҳали изланишдамиз”** деган фикрни кўп такрорлайман. Ўрганиш, изланиш ҳеч қачон тўхтамаслиги керак. Олдинга қараб интилган халқ ва миллатнинг келажақи албатта ёруғ бўлади.

Яқинда Хоразмда бўлганимда бир гуруҳ ёшлар билан учрашдим. Урганчлик қизимиз Мафтуна Очированинг ўта ҳаяжонли сўзлари ҳалиям қўлғимда жаранглаб турибди: “Муҳтарам Президент,

мен отасиз ўсганман, онам уч нафар фарзандни бир ўзи тарбия қилдилар. Биз камбағал оила эдик, турмушимиз, шароитимиз жуда оғир эди. Мана, энди камбағалликдан қутулдик.

Сизнинг ташаббусингиз билан, муҳтарам Президент, китобхонлик орасида ўтказилган танловда ёшлар орасида республика миқёсида биринчи ўринни эгалладим ва Сизнинг совғангиз — электромобилга эга бўлдим. Ўша пайтдаги қувончимни сўз билан ифода этиб беролмайман”, деди қизимиз кўзида ёш билан.

Кўрдингизми, дунёда адолат ва ҳақиқат мезони барибир мавжуд. Одий бир қизимиз шу гапларни йиглаб-йиглаб айтганида, менинг кўнглим ҳам беихтиёр бошқача бўлиб кетди. Буни мен ҳам сўз билан ифода этиб беролмайман. Қаранг, эзгулик қандай буюк, қандай қудратли куч!

Ҳаётда доимо мана шундай эзгу ишларга интилиб яшасак, бир-биримиздан меҳримиз, ёрдамимизни аямасак, қўлабтатган улуг мақсадларимизга албатта етамиз.

Қаранг, шу хоразмлик қизимиз бутун қалби билан тиришиб, интилиб, тинимсиз меҳнат қилиб, майли, қийналиб бўлса ҳам, дастлабки катта ютуққа эришибди. Онали

минг бир машаққат билан оиласини қашшоқликдан олиб чиққан бўлса, бу қизим, онасидан ибрат олиб, бу оила маънавий жиҳатдан қандай кучли эканини бутун юртимизга кўрсатди. Буям жасорат ва матонат намунаси.

Энди бу оилани ҳеч ким камбағал оила деб айтолмайди. Мана шундай кучли қизлари бўлган оила ҳеч қачон камбағал бўлмайди. Бу — ҳаётнинг азалий ҳақиқати.

Ўзингиз тасаввур қилинг, китоб муталааси бўйича миллионлаб Ўзбекистон ёшлари орасида биринчи ўринни эгаллаш учун битта эмас, юзлаб, балки, минглаб китоб ўқиш керак. Чунки бу танлов дастлаб маҳалла ва туманда, шаҳарда, вилоят даражасида бўлади, охири республика миқёсида якунига етади. Уни жуда билимли ва талабчан ўқитувчи ва мураббийлар, адабиётшунос олимлар, шоир ва адиблар назорат қилиб боради.

Шу маънода, Мафтуна Очирова китобхонлик бўйича мамлакатимизда биринчи ўринни олгани — катта натижа. Лекин бу фарзандимизда ўзига, ҳаётга, одамларга ишонч пайдо бўлгани, энг муҳими, адолат юзага чиққанини мен ундан ҳам катта ютуқ, деб ҳисоблайман.

Қани энди, барча ёшларимиз салгина телефонни чеккага суриб қўйиб, китобга кўпроқ эътибор берса. Уларга насихат қилиб, китоб нақадар буюк мўъжиза экани, унда ҳаёт силрлари ва ҳикматлари яширинганини болалигидан онига сингдириб борсак, фарзандларимиз китоб билан дўст бўлса, уларнинг фикри ҳам, дунёқарashi ҳам бошқача бўлади. Уларни ҳеч қандай ёвуз куч ёмон йўللарга бошлай олмайди. Мана, тарбиянинг сири, калити қаерда!

Шунинг учун ҳар бир ишимиз замирида маънавият, маърифат, илм ва ҳикмат муҳассам бўлиши керак. Шундагина азиз Ватанимизнинг эртанги кунига ишончли пойдевор қўйган бўламиз. Бу пойдевор мустаҳкам бўлиши учун ҳар кун тинимсиз изланишимиз, меҳнат қилишимиз шарт.

Мустақиллик йилларида хизмат бурчини бажариш чоғида фидойиларча ҳалок бўлган қаҳрамонлари-

мизни ўзи туғилиб ўсган маҳалласи, тумани билади, лекин бутун халқ билмайди-ку! Мана энди, Иккинчи жаҳон уруши даврида фашизмга қарши жанг қилган катта авлод вакиллари билан бирга, уларнинг номлари ҳам тарихимиз саҳифаларига абадий муҳрланди. Энди уларни бутун халқимиз, айниқса, ёшларимиз албатта билади. Ушбу бадиий обидада уларнинг номлари ва сиймолари акс эттирилгани — бу юксак эътироф ва эҳтиром. Бутун халқ, бутун миллатнинг эътирофи, эҳтиромидир.

Мустақиллик — бу Худойи таолонинг бизга чексиз марҳамати ва неъматидир. Ана шу буюк неъматни, буюк истиқлолимизни кўз қорачигидек асраб-авайлаш борчамизнинг муқаддас бурчимиз.

Шу йўлда эл-юртимизга муносиб хизмат қилишимиз лозим. Бу ҳақда қанча кўп гапирсак, халқимиз ҳозирги таҳликали замонда янада бирлашиб, янги-янги фидойи ва фаол қаҳрамонларни вояга етказад.

Энг муҳими, жаҳон майдонида мағрур бош кўтариб, шонли тарихимизга муносиб халқ бўлиб яшаймиз. Бугун айнан шу гошларни фаол тарғиб этишимиз зарур.

Азиз дўстлар!

Бугунги тарихий воқеа — **“Миллат фидойилари”** ёдгорлигининг очилиши билан барчангизни чин қалбимдан самимий табриқлайман.

Мустақиллик йилларида азиз жонини аямасдан, бизнинг тинчлигимиз ва осойишталигимизни асраш йўлида қаҳрамонлик кўрсатган мард ва жасур фарзандларимизнинг муборак хотираси олдида чин дилдан таъзим қиламан.

Такрор ва такрор айтишдан чарчамайман: биз бундай қаҳрамон ўғлонларимизни ҳеч қачон унутмаймиз. Улар доимо биз билан бирга яшайди.

Ватанимизга ҳар томонлама муносиб қаҳрамон ўғлонларимизга шон-шарафлар бўлсин!

Доимо соғ-омон бўлинглар, катта раҳмат сизларга!

**Тошкент шаҳри, Галаба боғи
2025 йил 8 май**

ҲАР ҚАНДАЙ МАМЛАКАТ ТАРАҚҚИЁТИ СОҒЛОМ ВА БИЛИМЛИ АВЛОДГА БОҒЛИҚ

Давлатимиз раҳбари ёшларни нуфузли хорижий университетларда ўқитиш масаласига алоҳида тўхталди. Фарзандларимиз жуда иқтидорли экани, фақат уларни тўғри йўналтириб, мақсади тайёрлаш зарурлиги таъкидланди.

Шу мақсадда “Президент иқтидорли фарзандлари” миллий дастури бошланади, Ал-Беруний номидаги халқаро мактаб ташкил этилади. Унга 8-синф битирувчиларидан 60 нафари саралаб олиниб, рейтингни юқори олийгоҳларга мақсадли тайёрланади.

Бундан ташқари, Президент ва ихтисослаштирилган мактаблардан 208 нафар маслаҳатчи умумтаълим мактабларига бириктирилади. Бу маслаҳатчилар мактаблардан ҳар йили энг салоҳиятли 3 минг ўқувчини селекция қилиб, АҚШнинг Гарвард, Йель, Колумбия, Корнель каби “Печак лигаси” олийгоҳларига тайёрлайди.

Билимсеварликка пойдевор қўйишда мактабгача таълимнинг ўрни жуда муҳим. Бугунги кунда юртимизда 7 мингта давлат ва 31 мингдан зиёд хусусий боғчалар фаолият юритмоқда. Олти ёшли болаларнинг 96 фоизи мактабга тайёрлов гуруҳларига қамраб олинган. Кейинги йили бу рақам 100 фоизга чиқади.

Энди илгор хорижий тажриба асосида мактабга тайёрлов гуруҳлари ва бошланғич таълим ўқув дастурлари ўзаро уйғунлашади. Бунинг учун боғча болаларини математика, табиий фанлар ва технология йўналишларида танқидий ва креатив фикрлашга ўргатадиган дастурлар ишлаб чиқилади.

Шунингдек, боғча тарбиячиларининг малакаси, маҳорати ва психология тайёргарлигини ошириш учун касбий сертификатлаш тизими жорий этилади.

Йиғилишда ўқувчиларнинг бўш вақтини мазмунли ўтказиш чора-тадбирлари ҳам белгиланди.

Шу мақсадда “Баркамол авлод” мактаблари, “Ёшлик” спорт жамияти ва Республика ўқувчи-ёшлар маркази ягона тизимга бирлаштирилади. Улар таъмирланиб, замонавий йўналишларга мос жиҳозланади, хорижий тиллар, сунъий интеллект, дастурлаш ва анимация каби янги тўғарақлар очилади.

Ўқувчилар ўртасида туризмни ривожлантириш бўйича ҳам янги тизим яратилади. Қорақалпоғистон, Хоразм, Самарқанд, Бухоро ва пойтахтдаги “Баркамол авлод” маркаларида камиди 100 ўринли “Болалар сайёҳлик базаси” ташкил қилинади. Ҳар йили 1 миллион ўқувчи учун Ўзбекистон бўйлаб саёҳатлар уюштирилади.

Болаларни зарарли ахборотлардан ҳимоя қилиш — ҳаммани ўйлантираётган муаммо. Шу боис Президент қарорига мувофиқ Мактабгача ва мактаб таълими вазирлиги ҳузурида Болалар континентини ривожлантириш маркази ташкил қилинди. У маҳаллий ижодкорларга миллий контентлар яратиш бўйича буюртма беради, соҳада кадрлар тайёрлашни ташкил қилади.

Шунингдек, ёзги таътилда ёшларни оромгоҳлар ва фойдали машғулотларга жалб этиш, спорт мусобақалари, интеллектуал ўйинлар ва санъат кечалари ўтказиш бўйича вазифалар белгиланди.

Ў.А.

Учрашув Парламентлараро алоқалар жадал ривожланади

Кеча Олий Мажлис Сенати Раиси Танзила Норбоева АҚШнинг Юта штати Сенати раиси Стюарт Адамс бошчилигидаги делегация билан учрашди.

Учрашувда Ўзбекистон ва АҚШ муносабатлари изчил ривожланаётгани, хусусан, парламентлараро алоқалар кенгайиб бораётгани таъкидланди. Шу нуктаи назардан, АҚШ Конгрессидаги “Ўзбекистон бўйича кокус” ва Олий Мажлисидаги Парламентлараро ҳамкорлик гуруҳининг фаолияти юқори баҳоланди.

Томонлар ҳамкорлигининг асосий йўналишларини, жумладан, қонун ижодкорлиги соҳасида тажриба алмашиш, таълим ва ижтимоий лойиҳаларни амалга ошириш, шунингдек, парламент дипломатияси доирасида шериклики кенгайтириш масалаларига эътибор қаратди.

Учрашув сўнгисида Ўзбекистон ва АҚШ ҳамкорлигини янада чуқурлаштириш, хусусан, уни минтақавий ва парламентлараро даражада ривожлантиришдан ҳар икки томон ҳам манфаатдор экани таъкидланди.

Ёшларга оид устувор масалалар юзасидан фикрлашилди

Олий Мажлис Сенати Раиси Танзила Норбоеванинг БМТ Бош қотибнинг Ёшлар масалалари бўйича ўринбосари, БМТ Ёшлар бюроси раҳбари Фелипе Паульер билан учрашуви бўлиб ўтди.

Мулоқот чоғида Ўзбекистон ва БМТ ўртасидаги ҳамкорлиқни янада кенгайтириш, жумладан, ёшлар парламентлари ўртасида халқаро фикрлашувни кучайтириш, экология, сунъий интеллект ва рақамли таълим соҳаларида қўшма лойиҳаларни амалга ошириш юзасидан аниқ таклифлар билдирилди.

Учрашувда БМТ “Ёшлар — 2030” стратегиясининг мазмун-моҳияти, унинг доирасида ёшларга оид масалаларни илгари суришдаги устуворликлар муҳокама қилинди.

Шунингдек, Ўзбекистонда ёшларга оид давлат сёсатини шакллантириш ва амалга ошириш борасидаги асосий йўналишлар, туб ислохотлар ва амалий натижалар юзасидан фикрлашилди. Хусусан, мамлакат аҳолиси таркибида ёшларнинг улуши 55 фоиздан ошгани инobatга олиниб, уларнинг ҳуқуқ ва манфаатларини таъминлаш давлат сёсатининг устувор йўналишига айлангани таъкидланди.

Дўстона ва амалий руҳда кечган мулоқот якунида Ўзбекистон ва БМТ ўртасида барча соҳада ўзаро манфаатли муносабатларни янада кенгайтиришга келишиб олинди.

«Халқ сўзи».

Ўзаро ҳамкорлик истикболлари муҳокамаси

Кеча Олий Мажлис Сенати Раисининг биринчи ўринбосари Содиқ Сафоев Венгриянинг Ўзбекистондаги Фавкуллода ва мухтор элчиси Йохеф Родж билан учрашди.

Мулоқот

Сўхбат чоғида Ўзбекистон ва Венгрия ўртасидаги амалий ҳамкорлигининг жорий ҳолати ва истиқболлари муҳокама қилинди.

Хусусан, икки давлат парламентларининг ўзаро алоқаларини янада фаоллаштириш, таълим соҳасида тажриба алмашиш ва халқаро парламент ташкилотлари доирасида ҳамкорлиқни кен-

гайтириш муҳимлиги таъкидланди.

Бундан ташқари, томонлар икки мамлакат ўртасидаги иқтисодий, савдо ва маданий алоқаларни янада мустаҳкамлаш имкониятларини кўриб чиқди.

Учрашув давомида мунтазам алоқаларни давом эттириш ва икки томонлама ҳамкорлиқни чуқурлаштиришга қаратилган қўшма тadbирларни ташкил қилиш бўйича келишиб олинди.

«Халқ сўзи».

Олий Мажлис Сенатида

Икки томонлама битимларнинг юртимиз равнақидаги ўрни

Олий Мажлис Сенатининг Халқаро муносабатлар, ташқи иқтисодий алоқалар, хорижий инвестициялар ва туризм масалалари қўмитасининг навбатдаги мажлисида муҳим қонунлар дастлабки тарзда муҳокама қилинди.

Унда сенаторлар, халқ депутатлари маҳаллий Кенгашларининг доимий комиссиялари аъзолари, мутахассис ва экспертлар ҳамда оммавий ахборот воситалари ходимлари иштирок этди.

Дастлаб “Ўзбекистон Республикаси билан Бирлашган Араб Амирликлари ўртасида фуқаролик ва иқтисодий ишлар бўйича ҳуқуқий ёрдам кўрсатиш тўғрисидаги Битимни” (Тошкент, 2024 йил 27 сентябрь) ратификация қилиш ҳақида”ги қонун атрофида муҳокамадан ўтказилди.

Таъкидланганидек, қонун билан ратификация қилинаётган Битимда икки давлат ўртасида фуқаролик ва иқтисодий ишлар бўйича ҳуқуқий ёрдам кўрсатиш борасида ҳамкорлиқни йўлга қўйиш, шунингдек, ҳар икки давлат фуқароларини бир-бирининг ҳудудида тенг ҳуқуқий ҳимоя билан таъминлаш, фуқаролик

ҳамда иқтисодий масалалар юзасида суд ва ҳуқуқни муҳофаза этувчи органларга мурожаат қилиш имкониятини яратиш назарда тутилган.

Бундан ташқари, фуқаролар ўртасида юзага келиши мумкин бўлган низоларни ҳал этиш, суд ҳужжатларини тан олиш ва ижроси каби масалалар бўйича ҳуқуқий ёрдам кўрсатиш тартиби ҳам белгиланмоқда.

Сенаторлар қонуннинг қабул қилиниши икки мамлакат ўртасида фуқаролик ва иқтисодий соҳаларда ҳуқуқий ёрдам кўрсатишга қаратилган ҳамкорлиқни янги bosқичга олиб чиқишга хизмат қилишини кайд этди.

Шунингдек, мажлис давомида “Туркий давлатлар ташкилотининг Фуқаро муҳофаза-си механизмининг ташкил этиш тўғрисидаги Битимни” (Бишкек, 2024 йил 6 ноябрь) ратификация қилиш ҳақида”-

Мактабгача таълим:

ЕЧИМИНИ КЎТАЁТГАН МУАММОЛАР

Олий Мажлис Сенатининг Фан, таълим ва соғлиқни сақлаш масалалари қўмитаси томонидан парламент назорати доирасида “Ўзбекистон — 2030” стратегиясининг 1-мақсади — мактабгача таълим тизимини янги bosқичга олиб чиқиш ва болаларни тўлиқ қамраб олиш бўйича амалга оширилаётган ишлар ўрганилмоқда.

Ўрганиш

Шу мақсадда 12 — 14 май кунлари қўмита раиси Б. Абдуллаев бошчилигидаги ишчи гуруҳ Сурхондарё вилоятидаги мактабгача таълим ташкилотлари фаолияти билан танишди.

Ўрганиш давомида асосий эътибор болаларнинг қамров даражаси, улар учун яратилган шароитлар, таълим сифати, педагог ходимларнинг малакаси, ташкилотларнинг моддий-техник ҳолати ҳамда болалар учун

озиқ-овқат маҳсулотларининг сифати қаратилди.

Таҳлиллар натижасида вилоятда қатор ижобий ютуқларга эришилаётгани баробарида айрим муаммолар ҳам мавжуд экани аниқланди.

Жумладан, болалар қамрови 68 фоизни ташкил этиб, ушбу кўрсаткич республика бўйича энг паст ҳисобланади. Ҳозирги кунда 3 ёшдан 7 ёшгача бўлган болаларнинг

32 фоизи мактабгача таълим ташкилотлари билан қамраб олинмаган. Шунингдек, 28 та маҳаллада ҳали ҳам мактабгача таълим ташкилоти мавжуд эмас.

Бундан ташқари, айрим муассасаларда озиқ-овқат маҳсулотларини сақлаш талаб даражасида эмаслиги, ошпазлар тиббий кўрикдан ўтмасдан ишга жалб қилингани ва болалар белгиланган меъёрга озиқ-овқат билан таъминланмаётгани каби ҳолатлар ҳам аниқланди.

Мавжуд муаммоларни бартараф этиш бўйича тегишли тавсиялар ишлаб чиқиш, масъул идораларга етказилди.

«Халқ сўзи».

Тadbиркорлик изчил қўллаб-қувватланади

Олий Мажлис Сенати Бюджет ва иқтисодий масалалар қўмитасининг навбатдаги мажлисида “Лицензиялаш, рухсат бериш ва хабардор қилиш тартиб-таомиллари янада такомиллаштирилиши муносабати билан Ўзбекистон Республикасининг айрим қонун ҳужжатларига ўзгартириш ва қўшимчалар киритиш тўғрисида”ги ҳамда “Ўзбекистон Республикасининг айрим қонун ҳужжатларига солиқ ва тadbиркорлик соҳасидаги ҳуқуқий муносабатларни такомиллаштиришга қаратилган ўзгартириш ва қўшимчалар киритиш тўғрисида”ги қонунлар дастлабки тарзда муҳокама этилди.

“Ўзбекистон Республикасининг айрим қонун ҳужжатларига солиқ ва тadbиркорлик соҳасидаги ҳуқуқий муносабатларни такомиллаштиришга қаратилган ўзгартириш ва қўшимчалар киритиш тўғрисида”ги қонун билан Жиноят ва Маъмурий жавобгарлик тўғрисидаги кодексларга солиқ соҳасидаги ҳуқуқбузарликлар учун жавобгарлик қучайтирилишини назарда тутадиган ўзгартириш ва қўшимчалар киритилиши.

Хусусан, солиқлар ёки йиғимларни тўлашдан бўйин товлаганлик учун жавобгарликка сабаб бўладиган зарарнинг ўрни судга қадар ва суд муҳокамаси да-

тигани эътиборга молик. “Лицензиялаш, рухсат бериш ва хабардор қилиш тартиб-таомиллари янада такомиллаштирилиши муносабати билан Ўзбекистон Республикасининг айрим қонун ҳужжатларига ўзгартириш ва қўшимчалар киритиш тўғрисида”ги қонун билан бир қатор қонун ҳамда кодексларга лицензиялаш, рухсат бериш, хабардор қилиш тартиб-таомилларини такомиллаштиришга қаратилган ўзгартириш ва қўшимчалар киритилиши.

Мажлисида қайд этилганидек, ушбу қонун лицензиялаш тартиб-таомиллари давлат хизматлари марказлари орқали ҳам амалга оширилишини таъминлашга хизмат қилиш билан аҳамиятлидир.

Шу билан бирга, тadbиркорлик соҳасидаги мажбурий талабларни қисқартириш, лицензиялаш, рухсат бериш ва хабардор қилиш тартиб-таомиллари соддалаштирилмоқда.

Муҳокамадан сўнг қўмитанинг тегишли қарорлари қабул қилинди.

«Халқ сўзи».

Кўмиталар ҳафта ичида

Хунармандчилик: ХАЛҚ АМАЛИЙ САНЪАТИ САЙҚАЛ ТОПАДИ

Олий Мажлис Қонунчилик палатасидаги “Миллий тикланиш” демократик партияси фракцияси Фан, таълим, маданият, спорт ва ёшлар масалалари кўмитаси билан ҳамкорликда “Хунармандчиликни давлат томонидан қўллаб-қувватлаш бўйича амалга оширилаётган ишлар ва истиқболдаги режалар” мавзuida давра суҳбати ўтказди.

Депутатлар, сиёсий партиялар фракциялари аъзолари, “Хунарманд” уюшмаси мутасаддилари ҳамда журналистлар иштирок этган тадбирда таъкидланганидек, кейинги йилларда миллий хунармандчилик, халқ бадийи ва амалий санъатини ривожлантириш, хунармандларни ҳар томонлама қўллаб-қувватлаш, аҳолини хунармандчилик фаолиятига кенг жалб этиш бўйича кўламдор ишлар амалга ошириломоқда. Натижада аҳолининг хунар ўрганишга бўлган қизиқиши янада ортиб, “Уста — шогирд” анъаналари ривожланди, мустақил фаолият юритмоқчи бўлган хунармандларни молиявий ва ташкилий қўллаб-қувватлаш тизими яратилди. “Хунарманд” уюшмаси аъзолари эса махсулот ишлаб чиқариш ва сотишда қатъий белгиланган солиқдан озод этилди.

Хунармандчилик дастурларини рўбга чиқариш, “Уста — шогирд” анъаналарини ривожлантириш мақсадида жойларда 77 та хунармандчилик маркази, 41 та ўй музейи ва 4,6 мингдан ортиқ устаконалар фаолияти йўлга қўйилгани туфайли ўтган йиллар давомида хунармандлар сони 9, шогирдлар сони эса 12 бараварга

кўпайиб, соҳада 340 мингдан кўп аҳоли бандлигини таъминлашга эришилди.

Тадбирда соҳадаги ижобий ўзгаришлар билан бирга, айрим масалалар ҳам борлиги диққат марказида бўлди. Жумладан, Қашқадарё вилоятининг Ғузур туманида жойлашган “Авғонбоғ” мадрасаси ҳамда “Обихона ва минора” мажмуаси таъмирталаб ҳолатга келиб қолган. Жамоатчилик томонидан “Авғонбоғ” мадрасасининг “Хунармандлар уйи” сифатида фаолият юритишига шароит яратиш таклиф этилаётгани айтилди.

Ушбу саъй-ҳаракатлар натижасида миллий хунармандчилик, халқ бадийи ва амалий санъати янада ривож топиши, бу орқали халқимизнинг бой маданий мероси ва тарихий анъаналарини тўлиқ сақлаб қолиш, аҳоли, айниқса, ёшлар, аёллар ва кам таъминланган оилаларни хунармандчиликка кенг жалб этиш, уларнинг бандлигини таъминлаш мумкинлиги айтиб ўтилди.

Депутатлар томонидан Хоразм вилоятида жойлашган “Янгиариқ кулолчилик маркази” ва бошқа хунарманд-



чилик объектлари фаолияти ўрганилганида, хомашё етишмовчилиги, маҳсулотлар учун ички ва ташқи бозорда маркетинг, логистика ва савдо каналлари етарли эмаслиги, рақобатбардош савдо платформалари, онлайн дўконлар ҳамда кўрғазмаларда иштирок этиш имкониятлари камлиги, инфратузилма билан боғлиқ айрим муаммолар борлиги аниқлангани таъкидланди.

Мунозаралар давомида таъмирталаб ҳолатга келиб қолган тарихий объектларнинг биноларини таъмирлаш, уларни хунармандлар марказлари айлантириш, хунармандларга имтиёзли шартларда кредит бериш орқали янги асбоб-ускуналар, хомашё ва ишлаб чиқариш жиҳозларини харид қилиш ҳамда янги ишлаб чиқариш цехлари, устаконалар ташкил этиш бўйича бир қатор таклифлар берилди.

Тадбирда билдирилган фикр-мулоҳазалар ва таклифлар асосида тегишли тавсиялар ишлаб чиқилди.

АТРОФ-МУҲИТ МУҲОФАЗАСИГА БАРЧА БИРДЕК МАСЪУЛ

Олий Мажлис Қонунчилик палатасида Экология ва атроф-муҳитни муҳофаза қилиш масалалари кўмитаси, Ўзбекистон Экологик партияси фракцияси, Иқлим ўзгариши оқибатларини камайтириш ва “яшил” иқтисодиётга ўтишни тезлаштириш масалалари бўйича комиссия ҳамкорлигида 15 май — Халқаро иқлим кунига бағишланган давра суҳбати ўтказилди.

Унда Қонунчилик палатаси депутатлари, вазирлик, идоралар мутасаддилари, соҳада фаолият юритаётган олим ва мутахассислар, фуқаролик жамияти институтлари, халқаро ташкилотлар ҳамда оммавий ахборот воситалари вакиллари иштирок этди.

Давра суҳбатида иқлим ўзгариши ва унинг мамлакатимиздаги экологик муҳит, иқтисодиёт, қишлоқ ҳўжалиги ва аҳоли саломатлигига таъсири кенг муҳокама қилинди. Иштирокчилар иқлим муаммоларига ечим топишда қонунчиликни такомиллаштириш, халқаро ҳамкорликни кўчайтириш ҳамда аҳоли ва ёшлар ўртасида экологик маданиятни ошириш муҳим аҳамият касб этишини таъкидлади.

Шунингдек, сўнгги йилларда мамлакатимизда иқлим ўзгариши, экологик хавфсизлик ва атроф-муҳит муҳофазаси йўналишида бир қатор норматив-ҳуқуқий ҳужжатлар қабул қилингани, иқлим ўзгариши оқибатларини юмшатиш ва унга мослашиш борасида амалий тадбирлар ўтказилганлиги эътироф этилди.

Мамлакатимизда иқлим ўзгаришлари оқибатини юмшатишда “Яшил макон” умумимиллий ва “Менинг бо-

ғим” лойиҳалари доирасида ҳар йили 200 миллион туپ дарахт ҳамда буталар экиш йўлга қўйилгани, Орол денгизи тубида яшил майдон барпо этиш, ўрмонзорлаштириш ишларини кенгайтириш, сув ресурсларини тежаш ва улардан оқилона фойдаланиш, “яшил” иқтисодиётни, шу жумладан, “яшил” энергетикани ривожлантиришнинг ўрни бекиёс экани алоҳида таъкидланди.

Тадбирда глобал тусдаги экологик муаммоларни бартараф этишда саъй-ҳаракатларни бирлаштириш, экологик инновацияларни жорий қилиш, экологик тоза, энергия самарадор ва ресурстежамкор лойиҳаларни амалга ошириш, “яшил” иқтисодиётни амалиётга кенг татбиқ этиш муҳим экани айтилиб, бу бўйича фикр-мулоҳазалар билдирилди. Атроф-муҳит муҳофазасига барча бирдек масъул экани, уни асраб-авайлаш, ёшлар орасида экологик таълим-тарбияни янада кўчайтириш мақсадга мувофиқлиги ургуланди.

Яқунда атроф-муҳитни муҳофаза қилиш, экологик муаммоларни бартараф этиш бўйича бир қатор таклиф ва тавсиялар ишлаб чиқилди.

«Халқ сўзи».

Фикр

Малакали тиббий хизматдан фойдаланиш ҳуқуқи кафолатланади

Мамлакатимизда соғлиқни сақлаш тизимини такомиллаштириш, соҳани жаҳон андозаларига мослаштириш, тиббий хизмат сифати ва самарадорлигини ошириш, аҳоли саломатлигини сақлаш масаласига устувор вазифа сифатида қаралмоқда. Бу йўналишда бажарилаётган ишлар сифати ва самарадорлиги давлатимиз раҳбарининг доимий эътиборида.



Соҳада такомиллаштирилган тиббий профилактика ва патронаж хизмати жорий қилиниб, аҳолини гуруҳ мансублигидан келиб чиққан ҳолда белгиланган муддатларда тиббий қўриқлардан ўтказиш ва саломатлигини даврий кузатиб бориш механизмлари амалиётга татбиқ этилди.

Давлат томонидан бепул кўрсатиладиган кафолатланган тиббий хизматлар ҳажми энг кўп ўраётган касалликлар ва муружаатлардан келиб чиққан ҳолда шакллантирилди. Иختисослаштирилган тиббий хизматда диагностика усуллари 500 дан, мулоҳаза усуллари эса 800 дан ошди. Бугун 400 дан ортиқ юқори технология амалиётлар вилоят ва туманларда ўтказилаётир.

Бир пайтлар юқори технология амалиётлари, кардиоҳарорхлик ва трансплантологик операциялар фақат пойтахтимизда амалга оширилган бўлса, бугун вилоят, ҳатто туман даражасигача туширилгани аҳолининг оғирини енгил қилмоқда. Соҳадаги ўзгаришларни энг олис ва чекка ҳудудларда яшовчи одамларимиз ҳам ўз ҳаётида, турмушида сезмоқда, ҳис этмоқда.

Албатта, ўтган қисқа даврда тиббиёт тизимида катта ижобий ўзгаришлар бўлди, тиббий хизмат аҳолига янада яқинлашди. Лексин соҳада ҳали ечимини кутаётган айрим муаммолар ҳам борки, бу фуқароларнинг соғлигини муҳофаза қилиш тизимини янада такомиллаштиришга қаратилган вазифаларни самарали ҳал этишга тўқсункил қилмоқда.

Яқинда Президентимиз раислигида таҳлилий, танқидий руҳда бўлиб ўтган видеоселектор йиғилишида тиббиётнинг бирламчи бўлини ва иختисослаштирилган муассасаларда хизматлар сифатини янада ошириш, дори воситалари истеъмолини тартибга солиш ҳамда тиббий таълимни такомиллаштириш бўйича устувор вазифаларга алоҳида эътибор қаратилди.

Давлатимиз раҳбари тизимни тўлиқ рақамлаштириш масаласига тўхталиб, белгиланган ислохотлар қанчалик тўғри бўлмасин, тизим рақамламаси, кутилган натижага эришиб бўлмаслигини, “электрон поликлиника”, “электрон шифохона”ни жорий этиш, бирламчи бўлин ва суғурта тизимини тўғри ташкил қилиш, тиббиёт ҳодимларининг билим ва амалий кўникмасини яхшилаш, аҳолининг тиббий маданиятини ошириш орқали қўзланган мақсадларга эришиш мумкинлигини таъкидлади.

Жорий йилда электрон йўлланма асосида даволашга бюджетдан 1,1 трлн. сўм ажратилиши, эндиликда беморга республика даражасида даволаниш учун берилган йўлланма ягона электрон платформага жойлаштирилиши, платформарда республика маркази, бошқа вилоятдаги давлат ва хусусий клиникалар ҳам иштирок этиши беморнинг ўзи учун қулай шифохонани танлаш имконини бериш билан бирга, республика марказлари ва ҳудудий шифохоналар

ўртасида эркин рақобат бўлишига замин яратяди.

Аҳоли саломатлигини мустаҳкамлаш, касалликни эрта аниқлаш ва даволашда бирламчи бўлин жуда муҳим. Ушбу йўналишдаги ислохотларнинг халқимиз, айниқса, олис ҳудудлардаги аҳоли талаб ва эҳтиёжларини чуқур ўрганган ҳолда амалга оширилиши аини мудида-одир. Албатта, бунда тиббиёт ҳодимларининг билим ва амалий кўникмаларини кенгайтириш, ҳодимларни рағбатлантириш бирламчи бўлинда тиббий хизмат сифатини янада яхшилашга катта таъсир кўрсатади.

Шу нуктаи назардан, туманлардаги олиавий шифокор пунктлари ва олиавий поликлиникалар фаолияти қамров жиҳатида мақбуллаштирилади. Марказий поликлиника эса туман шифохонасининг маслаҳат-диагностика бўлимига айлантирилади. Барча тор соҳа мутахассислари шу ерда ишлайди. Оналар ўлиминини қисқартириш мақсадида ҳар йили 9 млн. нафар турғи ёшидаги аёл профилактик қўриқдан, 900 минг нафар ҳомиладор аёл пренатал скринингдан ўтказилади. Поликлиникада акушер-гинекологлар сони 2 баробар кўпайтирилиб, ҳар 3 минг бола учун биттадан педиатр штати янгидан қўшилди.

Биламизки, бугун соғлиқни сақлаш соҳасига жорий этилган суғурта тизими доирасида ҳар бир фуқаронинг саломатлиги қафолатланган пакет асосида Давлат бюджетте маблагга ҳисобидан суғурта қилинади. Бу бежиз эмас. Чунки тиббий суғурта тизимининг тўлиқ йўлга қўйилиши бирламчи тиббий-санитария ёрдами улуши кенгайишига, аҳолининг ижтимоий заиф тоифалари вакилларининг сифатли тиббий хизмат билан таъминланганлик даражасини оширишга хизмат қилади.

Қорақалпоғистон Республикаси, Навоий, Самарқанд, Бухоро, Хоразм ва Қашқадарё вилоятларида давлат тиб-рар суғуртаси механизмлари жорий қилинса, 2026 йилда бу тизим Сурхондарё, Фарғона, Андижон, Тошкент, Наманган ҳамда Жиззах вилоятларида ҳам амалиётга татбиқ этилиши жуда тўғри ва оқилона қарор бўлди.

Йиғилишда белгилан берилган устувор вазифалар соғлиқни сақлаш соҳасини тубдан такомиллаштириш, тиббий хизмат кўрсатиш сифати ва самарадорлигини ошириш, малакали тиббий кадрларни тайёрлаш, соҳага янги бошқарув усулларини жорий этишга қаратилгани билан аҳамиятлидир. Бу, ўз навбатида, янги тахрирдаги Конституциямизнинг 48-моддасида белгилан қўйилганидек, ҳар ким соғлигини сақлаш ва малакали тиббий хизматдан фойдаланиш ҳуқуқига эга, деган конституциявий ҳуқуқни таъминлашга ҳам хизмат қилади.

Моҳира ХўЖАЕВА, Олий Мажлис Қонунчилик палатаси депутати.

ЗАРГАРЛИК — САНОАТ АСОСИДА

Кўзни қамаштирувчи тилла безакларнинг ҳар қандай турини яратиш анъанавий хунармандчиликда энг машаққатли юмушлардан ҳисобланган. Зеро, заргар ҳар бир буюмга кўз нуруни сарфлаб, минг жило беради.

Изланиш

Эндиликда соҳага илғор технология кириб келиши билан аҳвол бутунлай ўзгарди. Биринчилардан бўлиб Наманганда кўл меҳнати орқали шуғулланиб келинган заргарлик саноат усулига кўчирилди.

Ўз брендини дунёга танитаётган “Gavhar jewel group” масъулияти чекланган жамиятида қимматбаҳо металллар ва тошларни харид қилиш, қайта ишлаш ва бошқа барча заргарлик амалиёти бажарилади. Дастлабки лойиҳанинг қиймати 6,5 миллион АҚШ долларини ташкил этиб, Италия, Германия, Туркия ва Россиядан технологик ускуналар олиб келинди. Йиллик ишлаб чиқариш ҳажми 960 килограмм заргарлик буюмлари, 1800 килограмм олтин қўймалари тайёрлашга тенг қувватлардан иборат бўлиб, улар босқичма-босқич ўзлаштирилмоқда. Айни пайтда бу ерда 70 дан зиёд кишилар доимий меҳнат ўрнига эга. Бунга қўшимча 100 га яқин маҳаллий заргарлар кооперация асосида уюшиб, иш олиб бормоқда.

— Давлатимиз раҳбарининг вилоятимизга ўтган йилги ташрифи корхонамиз фаолиятида янги босқични бошлаб берди, — дейди МЧЖ бош директори Омилбек Тиллабоев. — Суҳбат чоғида заргарлик саноатини янада ривожлантиришга қаратилган



чора-тадбирлар, ишлаб чиқариш, кўрғазма ва савдо майдонларини ўз ичига олган махсус заргарлик марказларини ташкил этиш бўйича зарур кўрсатмалар берилди. Замонавий технология воситалар асосида жиҳозланганидан марказ, аввало, вилоятда иш олиб бораётган мазкур соҳа вакиллари бир жойга уюштириб, улар учун қулай ва унмulli меҳнат қилиш майдонини яратяди. Бу, ўз навбатида, маҳаллий заргарлар билан кооперация асосида иш олиб бориб, илғор технология ёрдамида юқори сифатли, рақобатбардош буюмлар тайёрлаш, миллий брендини ривожлантириш имконини янада кенгайтиради. Унинг негизидя мингта иш ўрни яратилиши эътиборга олинса, бажариладиган ишлар кўлами янада ойдинлашади.

Умуман, ўтган йили Наманган заргарлигида ишлаб чиқариш ривожига қанот бўладиган катта ўзгаришлар амалга оширилди. Жумладан, бозор қоидаларини бузмаган ҳолда бизнес

ривожланишига ёрдам берадиган соғлом рақобат муҳитини яратиш мақсадида барча заргарлик буюмлари ишлаб чиқарувчиларининг маҳсулотларига асиллик даражасини белгилаш тамгаси жорий этилди. Маҳаллий заргарлик корхоналарининг асосий рақобатчилари — Туркия ва Озарбайжон давлатларида тайёрланган буюмларнинг ноқонуний йўллар билан кириб келишининг олди олиниб, қатъий назорат қилинмоқда. Навоий ҳамда Олмалиқ кон-металлургия комбинатлари томонидан заргарлар учун узлуқсиз металл етказиб берилиши йўлга қўйилди.

“Gavhar jewel group”нинг ўзига келсак, у юксак сифат ва ифтихор тилмолли сифатида турдош корхоналарга намуна бўлмоқда. Ҳозирда корхонанинг ички бозордаги улуши салкам қирқ фоизга етди. Бугина эмас, 2022 йили Бухорода ташкил этилган халқаро зардўзлик ва заргарлик фестивалида муваффақиятли қатнашиб, “Энг яхши заргарлик корхонаси” номинацияси бўйича фахрли биринчи ўринни эгаллади. 2023 йилда қимматбаҳо тошлар ва заргарлик буюмлари экспортини қўллаб-қувватлаш кенгаши томонидан Дубай шаҳрида ўтказилган “International GEM & jewellery show” нуфузли халқаро заргарлик “Global icon” муқофотини қўлга киритди. Истеъмол бозорини қалбаки махсулотлардан ишончли ҳимоя қилиб, харидорларга асл тилла буюмларни тақдим этиб келмоқда.

Қудратилла НАЖМИДИНОВ («Халқ сўзи»).

ПЕДАГОГ САЛОҲИЯТИ — ТАЪЛИМДА СИФАТ МЕЗОНИ

Кеча Президентимиз раислигида мактаб таълими тизимидаги ислохотлар самарадорлигини янада ошириш ҳамда келгусидаги устувор вазифалар юзасидан ўтказилган видеоселектор йиғилишида мактаб таълими тизимидаги эришилган ютуқлар билан бир қаторда, соҳадаги долзарб муаммолар таҳлил қилиниб, тизимни ривожлантиришга қаратилган аниқ чора-тадбирлар белгилаб олинди.

Акс садо



Таъкидлаш жоизки, таълим тизими бугунги кун талабларига жавоб бериши учун соҳада сифатни таъминлаш муҳим аҳамиятга эга. Энг аввало, бу масала педагогининг маҳоратига узвий боғлиқ. Шу маънода сўнгги йилларда мамлакатимизда педагогларнинг ҳуқуқий макомини ошириш борасида салмоқли ишлар қилинди. Хусусан, Асосий Қонунимизда Ўзбекистон Республикасида ўқитувчининг меҳнати жамият ва давлатни ривожлантириш, соғлом, баркамол авлодни шакллантириш ҳамда тарбиялаш, халқнинг маънавий ва маданий салоҳиятини сақлаш ҳамда боййишнинг асоси сифатида эътироф этилиши белгилаб қўйилди. Бу эса жамиятда ўқитувчиларнинг ҳар томонлама қўллаб-қувватланиши натижасида таълимнинг барча турида юқори си-

фат ўзгаришларига эришилиши таъминланишига хизмат қилмоқда.

Давлатимиз раҳбари таълимда сифат бўлиши учун, энг аввало, педагогларни тайёрлаш ва малакасини ошириш тизими бунга тайёр бўлиши кераклигини таъкидлаб, бу борада аниқ вазифаларни белгилаб берди. Шу ўринда, йиғилишда педагогларни тайёрлаш ва малакасини ошириш тизимини такомиллаштиришга қаратилган вазифаларнинг қуйидаги муҳим жиҳатларига эътибор қаратиш мақсадга мувофиқ.

Энг аввало, педагогларни ривожланган хорижий давлат-

ларда малакасини ошириш тизимини ташкиллаштириш. Мазкур тизим ўқитувчиларга юқори сифатли таълим стандартлари, инновацион методларни ўрганиш ва тажриба алмашиш имкониятини беради. Ривожланган давлатларда педагогларнинг малакасини ошириш курслари замонавий методика, психология, педагогика ва ахборот технологиялари асосида ташкил қилинади. Хориждаги малака ошириш жараёнларида қабил халқаро янги педагогик технологиялар янги педагогик технологиялар асосида ташкил қилинади. Хориждаги малака ошириш жараёнларида қабил халқаро янги педагогик технологиялар асосида ташкил қилинади. Хориждаги малака ошириш жараёнларида қабил халқаро янги педагогик технологиялар асосида ташкил қилинади.

Аниқ сонларга эътибор қаратсак, бир йил ичида 215 нафар ўқитувчи Англия, Франция, Сингапур, Япония, Жанубий Кореядаги энг нуфузли университетларда малака оширди. Энг муҳими, хусусий мактаблар ҳам бу тизимга қўшилиб, ўқитувчиларни хорижга жўнатишди. Келгусида малака оширишга бораётганларнинг 25 — 30 фоизи хусусий мактаблардан бўлиши белгиланди. Жорий йилнинг ўзида педагогика олийгоҳлари ва малака ошириш марказларидан камида 5 на-

фардан, ҳар бир тумандан шунчадан муаллимни чет элга юбориш вазифаси қўйилди. Яна бир муҳим жиҳат — педагоглар миллий малака ошириш тизимини янги босқичга олиб чиқиш. Бу борада Абдулла Авлоний номидаги педагогик маҳорат миллий институти фаолиятини такомиллаштириш ва педагогика олийгоҳларини янги босқичга олиб чиқишга алоҳида эътибор қаратилди. Хусусан, ушбу институт трансформация қилиниб, унинг 13 та ҳудудий маркази қайта ташкил этилиши белгиланди.

Бундан буён педагогика олийгоҳлари фаолияти тубдан ўзгариши белгиланди. Президентимиз буни Термиз педагогика институти мисолида тушунтириб берди. Ушбу олийгоҳга Янги Ўзбекистон университетидаги каби халқаро бошқарув тизими татбиқ этилади. “TOP” хорижий олийгоҳлар тажрибаси асосида факультетлар ўрнида аниқ, табиий, ижтимоий, филология, амалий фанлар, мактабгача ва бошланғич таълим бўйича 6 та олий мактаб ташкил қилинади. Аниқ фанлар мактабида Мюнхен техника университети таълим дастурлари жорий этилади. Қолганлари эса Кем-

бриж университети талаблари асосида тўлиқ қайта қўриб қилади. Олийгоҳдаги фанлар сони ҳам мақбуллаштирилди 20 тадан 15 тага, таълим йўналишлари 31 тадан 17 тага туширилди. Ўқув юкламаси эса 20 фоизга қисқаради.

Шунингдек, Термиз шаҳри ва туманидаги 47 та мактаб олийгоҳнинг амалиёт базасига айлантирилди. 3 та иختисослаштирилган ҳамда янги баҳолаш тизимига ўтган 12 та мактаб эса методик база бўлиб, олийгоҳ уларни замонавий лаборатория билан таъминлайди.

Мазкур тизим педагогика олийгоҳларида хорижий давлатларнинг энг нуфузли университетлари тажрибасининг жорий қилиниши билан бир қаторда, мактаблар билан уларнинг узвий боғлиқлиги ошишига хизмат қилади.

Педагогларнинг маҳоратини ошириш бу таълим тизими юксалиши ва барқарор ривожланишининг асосий таянчидир. Педагоглар қанча билимли, инновацион бўлса, таълим шунча юқори, самарали ва замонавий бўлади.

Дилмурод АРТИҚОВ, Олий Мажлис Қонунчилик палатаси депутати.

Эътироф

ТОШКЕНТ ДЕКЛАРАЦИЯСИ

БМТ Бош Ассамблеяси 79-сессиясининг расмий ҳужжати сифатида эълон қилинди

Шу йилнинг 5 — 9 апрель кунлар пойтахтимизда бўлиб ўтган Парламентларо Иттифокнинг 150-юбилей ассамблеяси якунилари бўйича қабул қилинган ижтимоий тараққиёт ва адолат йўлида парламент ҳаракатларига бағишланган Тошкент декларацияси БМТ Бош Ассамблеяси 79-сессиясининг расмий ҳужжати сифатида эълон қилинди.

Ҳужжат БМТнинг барча олтита расмий тилида (инглиз, араб, испан, хитой, рус ва француз) нашр этилди. Шунингдек, ташкилотга аъзо давлатлар, унинг таркибий бўлинмалари ўртасида тарқатилди ҳамда расмий ҳужжатлар тизимида эълон қилинди.

Бош Ассамблея ҳужжатида кўра ижтимоий тараққиёт ва адолат йўлида парламент ҳаракатларига бағишланган Тошкент декларациясида улкан мақсад, вазифа ва йўналишлар белгилаб берилган. Унда ижтимоий тараққиёт борасидаги саъй-ҳаракатларни янгилашга қаратилган ишлар, мавжуд ва юзюга келаётган муаммолар ечимини биргаликда излаш зарурлиги алоҳида таъкидланган.

Декларацияда ҳукуматларга ижтимоий ривожланишга комплекс ёндашиш ва ҳар бир давлат томонидан мустақил равишда қўйилгани учта йўналиш бўйича белгиланиши керак бўлган сиёсий ислохотлар пакетини амалга ошириш тавсия этилганлиги алоҳида таъкидланади:

Биринчиси, одамларга, яъни уларнинг таълимига, соғлиғига ва атроф-муҳитга, шунингдек, ҳаётнинг барча босқичида одамлар гуллаб-яшнаши ва имкон қадар тўлиқ ҳаёт кечириши учун ижтимоий тараққиётнинг асосий шартли бўлган ижтимоий муносабатларни қўнатиш, бизнес бошлаш ёки муносоиб иш топиш имконини берадиган қўникмаларга сармоя киритиш;

Иккинчиси, иқтисодиётни демократлаштириш, у инсон манфаатларига жавоб бериши, уларнинг салоҳиятини кўчайтириши, эҳтиёжларини қондириши учун ҳар бир киши муваффақиятга эришиш имкониятига эга бўлиши керак. Аъзо мамлакатларнинг солиқ-бюджет ва пул-кредит сиёсати сифатли бандлиқни таъминлашга, жумладан, тадбиркорликни ривожлантиришга, қарорлар қабул қилиш жараёнида барча одамларни, айниқса, аёллар ва ёшларни жалб этиш орқали ижтимоий ҳамжиҳатлигини мустаҳкамлашга кўпроқ йўналтирилиши лозим;

Учинчиси, нафақат давлат органлари, жумладан, парламентлар ҳамда миллий ва муниципал микёсда фаолият юритувчи, балки аҳолининг ижтимоий ривожланиш соҳасидаги эҳтиёжларини турли йўллар билан қондирадиган давлат бошқаруви органлари ва оммавий ахборот воситаларини ҳам ўз ичига олган институтлар маквеини мустаҳкамлаш. Шу муносабат билан жаҳон микёсида халқаро молия институтлари, Халқаро меҳнат ташкилоти ва умуман, БМТ тизими каби кўп томонлама ташкилотларга эҳтиёж борлиги таъкидланган.

Бундан ташқари, ҳужжат барча парламентлар ва унинг аъзоларини Тошкент декларациясини амалга ошириш учун масъулиятни ўз зиммасига олишга ва ўзгаришлар жараёнини умумжаҳон иштироки

УЛУҒ ШОИР ҒОЯЛАРИ БИЛАН ЯШАШ САОДАТИ

Мумтоз адабиётимиз тарихида ўзининг бетакрор ўрнига эга бўлган Алишер Навоийнинг бой ижодий мероси аллақачон умуминсоният мулкига айланди. Шу боис дунёнинг энг йирик шаҳарларида ўрнатилган муаззам ҳайкаллари улуг шоир даҳосига эҳтиром тимсолидир. Мутафаккир шоирнинг лирик, эпик ва фалсафий асарлари ҳаётлик давридаёқ Хитойдан тортиб Кичик Осиёгача етиб борган. Унинг ҳаёти, ижоди ва фаолияти тадқиқотига Европада ун еттинчи асрдаёқ киришилган, асарлари кўҳна қитъанинг қатор мамлакатлари халқлари тиллариغا таржима қилинган. Ўн тўққизинчи асрнинг олтинчиинчи йилларида Марказий Осиёни қадам-бақадам кезиб чиққан Вамбери ушбу ҳудудда яшаётган кишилар Алишер Навоий ғазаллари, унинг ҳаёти ва фаолиятини ёд билишидан хайратга тушган.

Нуктаи назар

Башариятга дахлдор даҳо

Афсуски, кейинчалик мустабид тузум мафқураси туйфайли Алишер Навоийдан йироқлашдик. Тадқиқотларнинг аксариятида ҳам унинг шеърини ва давлат арбоби сифатидаги фаолиятига юзаси ёндашилди. Натижада ҳатто зиёли катлам орасида “ҳар бир байти бир олам маънога эга” ёки “Навоийни англаш мураккаб” каби қолип иборалар пайдо бўлди, миллат шоир шеърятининг қудратидан бебаҳра этилди. Улуг шоир таваллудининг кулуг 500 йиллик юбилеи қамалдаги Ленинград (ҳозирги Санкт-Петербург) шаҳрида ўтказилиши ёҳуд узок тортишувлардан сўнг номи берилган Навоий шаҳрида орандан қир йил ўтиб ҳайкали ўрнатилгани шу ўйга қарашнинг ифодаси, десак, муболага эмас.

Шукрки, истиқлол туйфайли буюк шоирга муносабат тубдан ўзгарди. Бугун мамлакатимиз навоийшунослик тадқиқотлари марказига айланиб бормоқда. Давлатимиз раҳбари Навоий вилоятига илк таширфларидан бирида айни йўналишдаги ишларни янада ривожлантириш масаласига эътибор қаратар экан, **“Отабобларимиздан қолган яхши анъаналарни давом эттириб, бу борада Навоий вилоти я бошқаларга ўрнак бўлиши керак деб, ўйлайман. Бу масалада Алишер Навоий бобомиз номи билан аталадиган вилот ўрнак бўлмаса, ким намуна бўлади?”**, дея даъват этган бўлса, ўтган йили 2025 йили Навоий вилотида “Алишер Навоий йили”, деб белгилаш гоёсини илгари сурди. Шу ташаббус асосида Президентимизнинг “Буюк шоир ва мутафаккир Мир Алишер Навоий ижодий меросини юртимиз ва жаҳон миқёсида кенг тарғиб қилиш ҳамда Навоий вилотида “Алишер Навоий йили”ни юқори даражада ўтказиш чора-тадбирлари тўғрисида”ги қарори қабул қилинди.

Шоир таваллудининг 584 йиллиги муносабати билан Навоий вилотида шоир адабий меросини ўрниши ишларини янада юксак босқичга кўтариш мақсадида маҳаллий ва хорижий олимлар, ишодкор зиёлилар, кенг жамоатчилик иштирокида “Алишер Навоий ва Шарқ Ренессанси” анъанавий халқаро симпозиуми ўтказилди.

Мазкур анжуманда қатнашган Анқара шаҳридаги Бошкент университети профессори, Алишер Навоий номидаги тадқиқотлар амалий маркази директори Абдурахман Гўзел “Навоий ўн бешинчи асрда туркий оламни якка адабий муҳитга бирлаштирган бўлса, бугунги кун воқелигида Ўзбекистон Президенти бутун дунё навоийшунослигини ягона манба атрофига бириштирди. Бу ҳазрат Навоий ғоялари билан яшашнинг олий кўриниши”, дея таъриф берди.

Президент қарорида Навоий шаҳрида барпо этилаётган “Янги Ўзбекистон” боғида бобомиз Алишер Навоийнинг ҳайкалини ўрнатиш ва шоирнинг меъмориал музейини очиш, буюк шоирнинг ибратли ҳаёти ва фаолиятига бағишланган юқори савияли тарихий кинофильм яратиш, “Яшил макон” умуммиллий лойиҳаси доирасида вилотнинг ҳар бир шаҳар ва туманида Алишер Навоий номидаги янги боғлар, хиебонлар, яшил ҳудудлар яратиш, ўқувчи ва талабалар ўртасида “Ҳазрат Навоийни англаш — ўзлгимизни англаш” мавзуида республика танловини ўтказиш, таълим муассасалари, маҳалларда “Навоийхонлик кечалари”ни доимий ташкил этиш вазифалари белгиланди.

Албатта, бу тадбирлар бежиз эмас. Шу ўринда Президентимизнинг симпозиум иштирокчиларига йўнлаган табригиди ҳазрат Навоий



жаҳон адабиёти мезонларига, замон ва тарих синоварига тўла жавоб берадиган дурдона асарлар яратиб, нафақат ўзбек, балки барча туркий адабиётлар ривожига бекиёс ҳисса қўшгани ҳам юксак ҳайрат ва таҳсинга муносиблиги эътироф этилди. Шу билан бирга, мутафаккир аждодимизнинг турли халқлар ўртасида тинчлик ва дўстликни мустаҳкамлаш, башариятнинг ёруғ келажagini биргаликда қуришга чорлайдиган ғоя ва қарашларининг аҳамияти ҳозирги таҳликали даврда тобора ортиб бораётгани таъкидланди.

Бу каби эътирофлардан руҳланган АҚШнинг Принстон университети профессори Саид Ризо Халолӣ Балхӣ “Алишер Навоий ўз ижоди ва фаолияти билан бугун ҳам инсоният рўбарў келаяётган бўйлиқларини тўлдираятган даҳодир. Салкам олти аср нарида туриб, инсониятга тўғри йўл кўрсатиш авиёларгагина хос фазилат”, дея фикр билдирди. АҚШлик яна бир тадқиқотчи Азизулло Арол эса “Шоирнинг тили, ўзи бизники, лекин ижоди ва даҳоси инсониятнинг мулкига айланиб улгурган. Ҳатто давлат арбоби сифатидаги фаолияти ҳам бугунги кун воқелигида ўз аҳамиятини йўқотмай, ибрат мактабига айланди”, дея таъриф берди.

Таъбир жоиз бўлса, Алишер Навоий тарихнинг мураккаб бурилиш нуктаси — миллат парокандаликка юз тутган даврда дунёга келди. Фаолияти ва ижодини халқни бирлаштириб, тўғри йўлга бошлашга бағишлади. Бу эса Шарқ Ренессансининг асосий омилларидан бирига айланди.

Инсон — улуг қадрият

Алишер Навоий талқинида инсон — табииатнинг бетакрор мўъжизаси, тириклик гултоғи. Шоир “Хамса”даги достонларда инсон омилни таҳлил этаркан, мукаммал давлат, адолатли жамият, кишиларни бахт-саодатга элтувчи фозил ва одил шох тимсолларини яратади, халқнинг орзу-ниятлари ва ўй-фикрларини баён қилади. Қисқача айтсак, инсон манфаатлари энг улуг қадрият эканини бадий образларда очиб беради.

Шоир ижодини кенг қамраб олган ушбу фалсафа бугун мамлакатимизда ҳар жиҳатдан устувор сиёсатга айланди. Анжуманда “Навоийнинг давлатчилик ва раҳбар маънавияти ҳақидаги қарашлари” мавзуси тадқиқ этиларкан, Озарбайжоннинг Боку университети профессори Рабият Асланова “Навоийнинг 1500 йилда ёзилган “Маҳбуб ул-қулуб” девони давлатчилик тарихи ва анъаналарини, бошқаруvingинг илғор усуллари, ҳўқмдор ва халқ муносабатларини ўзида ифода этади. Урта аср Европа файласуфларига шу жиҳатлари билан ибрат бўлади”, дея таъриф берди. Ҳозирги глобллашув жараёналари умумбашарий қадриятлар, миллий анъаналар, асрий маънавий бойлиқларга таҳдид солаётган замонамизда Алишер Навоий ижоди ва фаолияти мустаҳкам таянч ҳамда суянч бўлишини таъкидлади.

Бугун дунёга янги тафаккур ва ёруғ юз билан қараётган, “Халқ давлат идораларига эмас, давлат идоралари халқимизга хизмат қилиши керак” деган ғоя дастуриламалга айланган мамлакатимизда Президентимиз ислохотларида, ташаббусларида, даъватларида ҳазрат Алишер Навоий орзуларининг рўёби ўз ифодасини топмоқда. Зеро, шоир халқ гамини ўйламайдиган,

унинг дардларини тингламайдиган кишиларни ҳақиқий инсон деб бўлмаслигини таъкидлаб, “Юз жафо қилса манга бир қатла фарёд айламон, Элга қилса бир жафо, юз қатла фарёд айларам”, деб ёзган эди. Асрлар ўтиб, ушбу даъват ҳазрат Навоий тилида сўзлайдиган мамлакатда давлат сиёсатининг устувор вазифаси сифатида белгилангани, ҳар бир ислохотда ўз ифодасини топаётгани баҳтимиздир.

Жумладан, Навоий вилотида ҳам инсон кадрини таъминлаш, унинг орзу-умидларини рўёбга чиқаришга қаратилган кенг қўламли ишлар қилиняпти. Масалан, эл саломатлигини сақлаш мақсадида мураккаб операцияларни вилотнинг ўзида ўтказиш бўйича Навоий тажрибаси яратилиб, беморлар юрак хасталиги, сурункали буйрак етишмовчилигидан халос этилмоқда. Сўнгги йилларда уй-жой қурилиши қўлами қарийб 2,5 баравар оширилиб, узок йиллардан буён ўз бошпанасига эга бўлишни орзу қилган юзлаб кишилар уй-жой билан таъминланди. Давлат идоралари мутасаддилари бир пайтлар эшиги остонасида сарғайган кишиларнинг ҳузурига бориб, уларни қийнаётган муаммоларини тинглаб, ҳаётдан розилиги ва фаровонлигини таъминлашга қўмаклашмоқда. Эзгуликка йўғрилган бу ишлардан улуг шоир бобомизнинг руҳи ҳам шод бўлаётгани шубҳасиз.

Миллий ўзлик, ғурур ва ифтихор тимсоли

Олимлар инсонга тил то этилганга 25 — 30 минг йил бўлганини таъкидлайди. Шу давр ичида инсониятнинг илк тамаддунига хизмат қилган шумер, қадимги юнон, иврит

Президентимизнинг симпозиум иштирокчиларига йўнлаган табригида ҳазрат Навоий жаҳон адабиёти мезонларига, замон ва тарих синоварига тўла жавоб берадиган дурдона асарлар яратиш, нафақат ўзбек, балки барча туркий адабиётлар ривожига бекиёс ҳисса қўшгани ҳам юксак ҳайрат ва таҳсинга муносиблиги эътироф этилди.

каби тиллар йўқолиб, бугун ўлик тиллар рўйхатида бўлса-да, улардан дунё халқларига бениҳоя катта ёзма мерослар етиб келган. Шунингдек, ўзбек халқининг миллий тили шаклланишида иштирок этган сўгд, қадимги хоразм, бахтир, тохор тиллари унутилганини ёдда тутиш жоиз.

Ўз она тили билан фарҳангланган Алишер Навоий ўзбек адабий тилини бутун Хуросон ва Мовароуннаҳрда яшовчи ўзбеклар учун умумхалқ тили даражасига кўтариб, табиийлик, барча туркий халқлар тили бойлиги ва мавқеи, ифода қудратига ҳам ўз таъсирини ўтказган.

Анжуманда афғонистонлик олим Нурулло Амिनҳар ҳазрат Навоийнинг она тилига муносабатини таҳлил қиларкан, умри давомида том маънодаги ўзбек адабиётини яратиш ва ундан ўз халқини баҳраманд этиш ҳамда ижтимоий-сиёсий жиҳатдан ҳимоя қилиш учун курашганини таъкидлади. Султон Хусайн Бойқаро салтанатида муҳрдор, вазири аъзам, амири кабир сифатида фаолият юритаркан, давлат девонхоналарида форс тили ёнида ўзбек тилини ҳам кенг қўллаб, уни давлат тили даражасига кўтариш учун кўп савий ҳаракатлар қилганига ургу берди.

Бироқ, афсуски, ўзбек тили шўролар даврида жабр қўрмасдан қолмади. Кўр-қўрона ғарбча сўзларнинг кириб келиши миллий лисонимиз лексикасини анча ожизлантирди. Асрлар давомида ишлатиб келинган сўзлар муомаладан тушди. Шевалардагина ифодалаш мумкин бўлган хос сўзларни йўқотишга зўр берилди.

Албатта, шўро даврида миллий маданият, миллий тил каби тушунчаларни йўқ қилиб, ёт ғояларни сиғдириш жамиятнинг асосий мафқураси бўлганини унутмаслик лозим. Шу жиҳатдан Президентимизнинг 2019 йил 21 октябрдаги “Ўзбек тилининг давлат тили сифатидаги нуфузи ва мавқеини тўғрисида”ги Фармонига биноан юртимизда “Ўзбек тили байрами кунин” жорий қилишни халқимиз кўз қорачигидек асраб келган она тилимизга юксак эҳтиром ифодаси бўлди.

Ўтган тарихан қисқа даврда бевосита давлатимиз раҳбарининг ташаббуси ва савй-ҳаракатлари натижасида она тилимиз нафақат мам-

лакатимизда, балки жаҳон миқёсида ҳам ўзининг муносиб ўрни ва мавқеига эга бўлиб бормоқда. Бойси Президентимиз таъкидлаганидек, янги Ўзбекистонни барпо қилишга қаратилган эзгу интилиш ва ҳаракатларимиз ҳал этувчи босқичга кўтарилган шу азиз дамларда миллий ўзлгимиз, ғурур ва ифтихоримиз тимсоли бўлган она тилимиз бекиёс куч-қудрат ва илҳом манбаи бўлиб хизмат қилмоқда.

Хусусан, Бирлашган Миллатлар Ташкилотининг юксак минбаридаги улкан сиёсий саммит ва учрашувларда она тилимиз баралла янграяпти. Президентимиз ташаббуси билан Туркий давлатлар ташкилотининг Алишер Навоий номидаги халқаро муқофоти таъсис этилгани буюк аждодимиз хотираси ва бебаҳо меросига юксак ҳурмат намунаси бўлиш билан бирга она тилимизнинг нуфузи тобора ошиб бораётганининг амалий ифодасидир.

Тафаккур карвони

Кейинги йилларда мамлакатимизнинг ҳар томонлама тараққий эттиришнинг устувор омили сифатида таълим тизими танланиб, соҳадаги туб ислохотлар орқали Ўзбекистонда янги Ўйғониш даври, яъни учинчи Ренессанс пойдеворини яратиш асосий мақсад қилиб белгиланди.

Тарих ғувоҳи, ренессанслар юзига чиқишида ўша давр ҳўқмдорларининг иродаси, қатъияти муҳим ўрин тутган. Уларнинг тафакқурида уйғонган эртанги кун қайғуси наинки илм-фан, балки давлатчилик асосларида ҳам инқилоб асган.

Давлатимиз раҳбари **“Биз Учинчи Ренессанс масаласини стратегик вазифа сифатида олдимизга қўйиб, уни миллий ғоя дара-**

жасига кўтармоқдамиз” дея, мамлакатимизда амалга оширилаётган ислохотлар пировард мақсадининг ифода этаркан, унга элтувчи йўл таълим тизими орқали эканини ўқиради. Ушбу йўлдаги дастлабки қадам, шубҳасиз, мактабгача таълим тизими ислохотларида кўзга яққол ташланади. Ҳар икки Ренессансининг буюк алломалари фаолиятиндан маълумки, уларнинг саводи билан тили қарийб баробар чиққан. Хусусан, ҳазрат Навоий “Мажолис ул-нафос” асарида китоб ва унга самимий муҳаббат, мутлола маданияти хусусида фикр юритиб, уч ёшда эканида машҳур сўфий ва файласуф шоир Қосим Анворнинг тасаввуфий ҳўқмда газалини ёд олганини ёзади.

Алқисса, мамлакатимизда болаларни мактабгача таълим тизимига қамраб олиш давлат сиёсати даражасида белгиланиб, пировард натижада бу қамровни юз фоизга етказиш режалаштирилгани бежиз эмас. Мавзуга яна Навоий вилоти миқолида ёндашсак, 2017 йилда 132 та мактабгача таълим ташкилоти фаолият кўрсатиб, болаларнинг 34,1 фоизигина қамраб олинган, айни кунларда эса бу кўрсаткич 84,5 фоизгача ташкил қилганига ургу берди.

Таълим-тарбиянинг кейинги босқичи — умумий ўрта таълимни ривожлантириш бўйича ҳам муайян ютуқларга эришилди. Чуночини, 2023/2024 ўқув йилида вилотдаги 365 та мактабни тамомлаган ўқувчиларнинг 70,6 фоизи олий таълим муассасаларига талабаликка қабул қилинди. Бу республикадаги энг юқори кўрсаткич.

Олий таълим босқичида ҳам муваффақиятлар кўзга яққол ташланади. Жумладан, Президентимизнинг 2024 йил 31 октябрдаги “Навоий давлат университетини ташкил этиш чора-тадбирлари тўғрисида”ги қарори асосан Навоий давлат педаго-

Улуг шоир бобомиз адабий мероси қудрати руҳий тарбиядир. У — инсон қалбининг озиғи, онга қувват, ирода ва сабр берадиган куч. Эзгу орзулар, улкан мақсадлар рўёбини қўзлаб олдинга интилаётган университетимиз жамоаси бугун, аввало, Алишер Навоий ижодидан руҳий қувват ва баланд руҳ олмақда. Бебаҳо асарларида илгари сурилган миллий ва умумбашарий ғояларга таянмоқда. Зеро, буюк даҳо аждодимизнинг бетимсол ижоди, ибратли фаолияти барча замоналар учун йўлчи юлдўз бўла олади.

Муҳиддин КАЛОНОВ,
Навоий давлат университети ректори, иқтисодиёт фанлари доктори, профессор.

гика институти неғизида Навоий давлат университети очилиши улуг мақсадлар йўлидаги тадрижийлик ифодасидир.

Университетнинг асосий мақсади — минтақадаги иқтисодий ва ижтимоий ривожланишни қўллаб-қувватлаш учун юқори малакали мутахассисларни тайёрлаш, ҳудудий ижтимоий-иқтисодий муаммолар ечимининг илмий-инновацион усулларини ишлаб чиқишдир. Қарорга кўра таълим даргоҳимиз 2025 йил 1 январдан академик молиявий мустақил олий таълим муассасаси мақомида ўз фаолиятини бошлади. Бу эса университетга стратегик қарорларни мустақил қабул қилиш ва инвестицияларни самарали жалб этиш имконини яратмоқда.

Узоқ йиллар педагогика институти филиали даражасида қолиб келган муассаса бугун ҳудудий олий ўқув юртлари орасида кадрлар тайёрлаш қўлами ва салоҳияти бўйича етакчи илм даргоҳларидан бирига айланди. Университетда 37 та кафедрда ҳамда 700 нафарга яқин профессор-ўқитувчилар фаолият олиб бормоқда. Кундузги, сиртки, кечки таълим шаклларида 18 минг 898 нафар талаба тахсил олмақда.

Айни кунларда университетнинг янги кампуси қурилиши бошланган бўлиб, 2025 — 2027 йилларда фойдаланишга топширилиши белгиланган. Янги ўқув йилидан бошлаб, аниқ ва табиий фанлар, ахборот технологиялари, сунъий интеллект, иқтисодиёт, бизнес ва туризм, инвестицияларни бошқариш, қишлоқ ҳўжаллиги, экология ва атроф-муҳит муҳофазаси, логистика каби йўналишлар ташкил этилади. 50 дан ортқ етакчи хорижий олий таълим муассасалари билан самарали ва кенг қўламли ҳамкорлик йўлга қўйилгани қатор таълим йўналишлари ва мутахассислиқлари бўйича қўшма таълим дастурларини амалга оширишни таъминламоқда. Меҳнат бозори талаблари, ижтимоий-иқтисодий ривожланиш истикболлари ҳамда илғор хорижий тажрибалар асосида ўқув режа ва фан дастурлари такомиллаштирилди. Халқаро рейтинг ташкилотлари билан ўзаро ҳамкорлик ўрнатилиб, университет “U GreenMetric” рейтингидан рўйхатдан ўтди ва унда профилини очди.

Ҳамкорлик доираси кенгайиши натижасида трансформация маркази ташкил этилиб, унинг фаолиятини такомиллаштириш ва таълим сифатини таъминлаш мақсадида Туркиянинг Абай университети, Венгриянинг Дебрецен университети, Малайзиянинг UCSi университети, АҚШнинг Миннесота университетида хорижий экспертлар жалб этилди. Қозоғистон, Беларусў, Россия, Тожикистон, Покистон, Хиндистон, Малайзия, Туркия каби мамлакатларнинг етакчи университетлари билан қўшма таълим ва халқаро алмашинув дастурлари жорий этилиб, илмий-академик алоқалар ривожлантирилди. Натижада олийгоҳимизнинг бир гуруҳ профессор-ўқитувчилари халқаро “TESOL” сертификатларини қўлга киритди.

Ўқув жараёнларини инновацион технологиялар асосида ташкил этиш, самарадорлиқни ошириш, талабаларнинг мотивациясини юқори даражага кўтариш мақсадида рақамли таълим платформалари ва ўқув дастурлари жорий қилинмоқда. 2025/2026 ўқув йилидан бошлаб, дарс машғулотларини амалиёт билан бирга олиб бориш мақсадида қатор ташкилотлар, қорхоналар, мактабгача ва мактаб таълими муассасаларида университетимизнинг кафедралари филиаллари очилиб, дуал таълим асосида кадрлар тайёрлаш йўлга қўйлади.

Октябрь ойида университетда ўтказиладиган Алишер Навоий ижоди ва фаолиятига бағишланган халқаро анжуманга ҳозирдан тайёргарлик қўрилмақда. Шу муносабат билан хорижий ва маҳаллий навоийшунос олимларнинг илмий тадқиқотлари жамланиб, таҳлил этилмоқда.



Акбар Жўраев — Осиёнинг мутлақ чемпиони!

Хитойда бўлиб ўтаётган оғир атлетика бўйича Осиё чемпионатининг сўнгги баҳслари Ўзбекистон терма жамоаси учун муваффақиятли ўтмоқда.



Миллий олимпия қўмитаси хабарига кўра эркаклар ўртасида -109 кг. вазн тоифасида кечган баҳслар спортчиларимизнинг бенефисига айланди.

Олимпиада чемпиони ва совриндори Акбар Жўраев яна бир бор маҳорат кўрсатиб, барча йўналишда эътиборга молик кўрсаткичларни қайд этди (183, 223 ва 406 кг.) ҳамда 3 та олтин медални қўлга киритди. Ушбу дастурда А. Жўраевдан кейинги натижани кўрсатган бошқа бир вақилимиз Шарофиддин Амридинов (181, 214 ва 295 кг.) эса 3 та қумуш медал билан тақдирланди.

Мазкур натижадан кейин терма жамоамиз ҳисобидига медаллар 3 тадан олтин ва қумуш, бронза эса 5 тага етиб, умумжамоа ҳисобида учинчи ўринни банд этмоқда.

Таэквондочиларимиз муваффақияти

БААда кадетлар ўртасида ўтказилаётган таэквондо WT бўйича жаҳон чемпионати терма жамоамиз учун муваффақиятли ўтди. Мурасасиз баҳсларда қамюртларимиз 1 та олтин ва 1 та бронза медалларига сазовор бўлди.



65 килограммгача вазн тоифасида иштирок этган Никита Бибиков барча рақибини мағлубиятга учратиб, олтин медални қўлга киритди. Ҳамюртимиз финалда эронлик рақибидан устун келди. Шунингдек, қизлар ўртасида 41 килограммгача вазн тоифасида Райхона Асанбоева яримфиналгача етиб келиб, бронза медали соҳибасига айланди.

Турнирда қатнашувчи жамоалар номи маълум

Шу йилнинг 22 — 28 июль кунлари футбол бўйича анъанавий Мираброр Усмонов хотира турнири бўлиб ўтади.



Бу йилги беллашувларда Ўзбекистон, Япония ва Саудия Арабистони “U23” жамоалари иштирок этиши маълум қилинди.

ЖАР стадионида бўлиб ўтадиган ўйинлар тақвими қуйидагича:

- 22 июль: Ўзбекистон “U23” — Саудия Арабистони “U23”;
- 25 июль: Саудия Арабистони “U23” — Япония “U23”;
- 28 июль: Ўзбекистон “U23” — Япония “U23”.

«Халқ сўзи».

Жанубий Кореянинг оммабоп «KBS» телеканали Ўзбекистоннинг машҳур сайёҳлик манзиллари ҳақида кўрсатув суратга олди.

Халқ сўзи
Народное слово

МУАССИСЛАР:
Ўзбекистон Республикаси
Олий Мажлиси Қонунчилик палатаси Кенгаши,
Ўзбекистон Республикаси
Олий Мажлиси Сенати Кенгаши

Бош муҳаррир Ўткир РАҲМАТОВ

2020 йил 25 мартда Ўзбекистон Республикаси Президенти Администрацияси ҳузуридаги Ахборот ва оммавий коммуникациялар агентлигида 0001-рақам билан рўйхатга олинган. Нашр индекси — 229. Буюртма Г — 542. 13 397 нусxada босилди, ҳажми — 2 табоқ. Офсет усулида босилган. Қоғоз бичими А—2. Баҳоси келишилган нархда.

Газетани ҳақиқати маълумотларини юқлаб олиш учун QR-коднинг телефонингиз орқали сканер қилинг.



ТЕЛЕФОНЛАР:

Девонхона 71-259-74-51; қопилхона 71-259-74-53;
эълонлар 71-259-74-45.



Тахриратта келган кўлёмалар тахрир қилинмайди ва малаифга қайтарилмайди.
Газетанинг мазлизи берилиши учун обунани расмийлаштирган ташкилот жаъобгар.
Газета тахриратта компьютер марказида термалди ҳамда оператор А. Исмаилов томонидан садиқланади.
Газетанинг полиграфик жиҳатдан сифатли чоп этилишига “Шарқ” нашириёт-матбаа акциядорлик компанияси масъул.
Босмахона телефони: 71-233-11-07.

• МАНЗИЛИМИЗ:
100066,
Тошкент шаҳри,
Ислом Қаримов кўчаси, 55-ўй.

Навбатчи муҳаррир — Ф. Бозоров.

Мусаҳҳих — Ш. Машраббоев.

“Шарқ” нашириёт-матбаа акциядорлик компанияси босмахонаси. Қорхона манзили:
Буюк Турон кўчаси, 41. ЎЗА яқуни — 23.26 Топширилди — 00.35 1 2 3 4 5 6